

# APOLOGIA.

PRO XENIO DILECTIONIS,

I N Q U A

Dilectionis Dei in Sacramento Pœnitentiæ necessitas  
rursum propugnatur,

E T

*Respondetur ijs, quæ denuò opposuit R. Ad. P.*

MAXIMILIANVS LE DENT

Societatis Iesu S. Theologiæ Professor,

A U C T O R E

F. FRANCISCO FARVACQVES

I N S U L E N S I,

Ordinis Erem. S. Augustini S. Theol. Doct. Lovaniensi  
& in Ducali Abbatia S. Gertrudis Professore,



L O V A N I I

Typis CYPRIANI COENESTENIJ 1669.

# C E N S U R A.

**H**æc pro Xenio dilectionis Apologia publicari potest. Datum. Lovanij 5. Ianuarij. 1669.

*Simon Servatij S. T. Doctor & Professor Librorum Censor.*

## A P P R O B A T I O.

**A**pologiam pro Xenio Dilectionis R. Adiac Ex. P. M. Francisci Farvacques, ex commissione R. Adm. P. Guilielmi Bolli Ordinis nostri per belgium Provincialis, perlegi, & quia orthodoxæ Fidei, bonisque moribus consentaneam reperi, publico prælo dignam censui. Datum Lovanij ad S. August. hæc 27. Decemb. 1668.

*F. Athanasius Maigretius S. T. Doct. & Prof.  
Lovanj Ord. Ereim. S. August. studij  
Theol. Regens.*

## FACULTAS R. Adm. P. PROVINCIALIS.

**V**isâ approbatione Ex. P. M. Athanasij Maigretij S. T. Doct. & studij Lovan. Regentis, nobis insuper attestantis, quod in Apologia pro Xenio Dilectionis ab ex. P. M. Francisco Farvacques composita nihil contineatur decreto Alexandri VII. contrarium, Tenore præsentium & muneris nostri autoritate Facultatem concedo, ut illa præli beneficio in lucem detur, salvâ autoritate eorum, quorum interest. Datum Bruxellis Calendis Januarij. 1669.

*F. Guilielmus Bolli Prior Provincialis,*

# APOLOGIA PRO XENIO DILECTIONIS,

I N Q U A

Dilectionis Dei in Sacramento Pœnitentiæ neces-  
sitas rursùm propugnatur.

P R Æ F A T I O.

**C**H R I S T U S J E S U S prima & summa veritas & Charitas de igne Charitatis, teste Ambrosio, sermonem institu-  
ens: *ignem, inquit, veni mittere in terram, & quid volo nisi ut accendatur?* Vis accendi Christe? Parebimus: Sed quis ignem illum accendet nobis? quis potius obsecro, quam ille ipse, qui frigescente jam mundo à Charitatis, quæ fervebat, igne, Ignatii nomen obtinuit? Scribit enim auro insculpi dignum pro charitatis commendatione monitum: *omnes, inquit, RECTAM HABERE INTENTIONEM studeant, non solum circa vitæ suæ statum, verum etiam circa res particulares: omnes id semper in eis spectantes, ut serviant & placeant divina bonitati PROPTER SEIPSAM, & PROPTER CHARITATEM & eximia beneficia, quibus prævenit nos, potius, quam ob TIOREM Pœnitentiarum, re! spem prætorum, quamvis hinc etiam invari debeant* O! Ignatio dignum de igne Charitatis monitum, ex intimis Augustinianæ doctrinæ visceribus petitum. Quid enim Augustino familiarius, quam commendare rectam intentionem, quam in Charitatis igne positam esse ubique inelamat? Augustino proinde jungit dexteram Ignatius.

Abstulit autem ut probemus frigidum illud glossema quorundam dicentium verbis S. Ignatii contineri consilium, non præceptum. Quid enim, quid hoc responsi est? Recta intentio suadetur tantum & non præcipitur? Quis, non dico Theologus, sed Theologiæ Tyro hoc admiserit? An fortè non satis manifestum est ipsius Veritatis oraculum Matthæi sexto dicentis: *Lucerna corporis tui est oculus tuus. Si oculus tuus fuerit simplex, totum corpus tuum lucidum erit: si autem oculus tuus fuerit nequam, totum corpus tuum tenebrosum erit?* Audi igitur Augustinum verborum illorum interpretem: *oculum hic accipere debemus ipsam INTENTIONEM, quâ facimus. quidquid facimus: quia si munda sine re & RECTA, & illud aspiciens, quod aspiciendum est, omnia opera nostra, quæ secundum eam operamur, necesse est bona sint. Non ergo quid quicque*

in cap. 7.  
Luc.

Luc. 12

l. 2.  
de serm.  
Dom. in  
monte c. 21

# P R Æ F A T I O

faciat, sed quo animo faciat, considerandum est. Et antea: hic locus sic intelligendus est, ut noverimus omnia opera nostra tunc esse munda & placere in conspectu Dei, si fiat simplici corde, id est INTENTIONE superna:

Fine illo Charitatis: quia & plenitudo legis, Charitas. Ex quo Scripturæ & Augustini testimonio Hieremias Drexelius ita scribit: Fœda nox & mera tenebra omnia involvunt, ubicumque RECTÆ INTENTIONIS splendor non effulget. Nullum corpus pulchrum sine hoc oculo: nullum cum hoc, solum... Rectè agere, ut Inferos evadas, illiberalis servi est: ut cœlum obtineas, questuosi mercenarij: ut Deo placeas, hoc demum Charissimi est filij. Qua in doctrina piissimus hic Auctor non solum P. Ignatium, sed & Bernardum Charitatis face prælucentem habuit. Ex hoc enim Matthæi loco sic concludit: Ego verò, ut interior oculus verè simplex sit, duo illi esse arbitror necessaria, CHARITATEM in INTENTIONE & in electione veritatem.

l. de dispens. & pœc.

Rectitudo igitur intentionis necessaria est maximè in Mro. Pœnitentiæ, quando cor nostrum volumus rectum esse cum Deo nostro, non tantum per operationem, sed etiam per Spiritum inhabitantem. Quæ enim aliâ intencio sufficeret? Distorta? Curva? nugæ. Indifferens? atqui incertum est possitne dari talis intentio. Atque ut dari posset, cum sacramento non sufficeret, in quo præter indifferentiam plus requiri nemo dubitat. Superest ergo, ut non sufficiat nisi *Recta intentio*, quam cum in Charitate statuerit S. Ignatius, doctrinam S. Ignatij propugnemus, dum Charitatem, saltem initialem in sacramento Pœnitentiæ necessariam esse prædicamus. Non dubito opponenda fœsquipedalia glossemata, sed quæ meis etiam verbis adhiberi possent. Verba S. Ignatij aperta sunt, clara sunt, manifesta sunt, neque alio egent interprete, sed judice sanâ ratione.





## CAPUT PRIMUM.

### Expenditur doctrina Lutheri, & Lutheranorum de Contritione.

#### §. I. *Causa iterata Scriptionis de errore Lutheranorum.*

**A** Nimo fixum, immotumque federat Lutheranam camerinam non movere, neque damnata sordibus Doctrinæ calamum intingere, quem mihi videbar sic temperasse, ut non suppeteret unde unus gloriaretur, vel inflaretur adversus alterum.

Verum nupera R.P. LEDENT Responsio coegit me aliam consilij rationem inire: neque enim existimavi tempus esse tacendi, vel dissimulandi, quando me oborto collo, renitente conscientia, veritate, & (ut mihi quidem occurrebat) Charitate, legebam me in eandem, ipsissimamque damnati Lutheri naufragantem & ruinosam navim pertrahi, imò abripi.

Verbo rem accipiat Lector. Adversarius meam, damnatique Lutheri suo penicillo, suisque coloribus ita adumbrat & compingit sententiam: *manifestum est Lutherum initio defectionis suæ, & præsertim in sermone de pœnitentia REIECISSE omnem pœnitentiam, quæ CONCIPITUR EX METU, SPE, aut alio simili motivo ab amore distincto, & pronuntiassæ* Num. 73.  
*peccatorem adferentem talem pœnitentiam absolutione indignum esse: solum verò illam, quæ ex amore concipitur esse veram pœnitentiam, & absolutione dignos reddere. Hac autem est IPSISSIMA SENTENTIA ADV-  
VRSARIORVM: unde fatesur hic Author quæst. quodlib. &c.*

Verba illa non semel, sed sæpius legi, & perlegi, vixdum proprijs confusus oculis. Quid enim, inqueiebam, an fortè obvenisse Adversario, quam in seipso alicubi ingenuè agnoscit Lipsius, *mentis peregrinationem*? An potius memoriâ excidisse nuperum Decretum ALEXANDRI VII. (cujus tenorem per manibus tum habebam,) quo cavetur sub POENA EXCOMMUNICATIONIS &c. *Ne quis audeat alicujus THEOLOGICÆ CENSURÆ, alteriusve INJURIÆ, aut CONTUMELIÆ notâ taxare alterutram sententiam*? Quid igitur est, aiebam, si hoc non est Theologica censura, injuria, aut contumelia, dicere nostram esse ipsissimam Lutheri sententiam, quam oppositam esse Tridentino, atque ab  
A codem

c. 17.  
fol. 83.

eodem impetitam & proscriptam pro primario doctrinæ suæ fundamento statuit Adversarius? Quò fiebat, ut nonnunquam occurreret illud Augustini contra Manichæum Adimantum: *Si vellet aliquis DENTES Manichæorū in ipsos convertere, quàm mordaciter ista reprehenderet?*

Talia volutabam animo, incertus quid in re perplexa statuerem, donec tandem, cum Senatum consilij in eor convocassem, ut ille apud Comicum, placuit vocem quam apud Petrum Damiani legeram, usurpare: *Spiritum cobibeo, & consequentia relinquo Lectoribus intellectum: & illud Pauli Apostoli: nolite ante tempus iudicare, quò adusque venias Dominus, qui & illuminabis abscondita tenebrarum, & manifestabis consilia cordium, & tunc law eris vnicuique à Deo.*

1. cor. 4.

Porro ne Decretum ALEX. VII. cuiquam memoriâ excidat, operæ pretium duxi, oculis Lectoris illud ipsum rursus subijcere.

### DECRETUM SMI. D. ALEXANDRI VII.

SANCTISSIMUS D. N. ALEX. VII. Cū accepisset non sine gravi animi dolore Scholasticos quosdam acrius, nec absque fidelium scandalo inter se contendere, an illa Attritio, qua concipitur ex metu gehenna excludens voluntatem peccandi cum spe veniæ, ad impetrandam gratiam in Sacramento Pœnitentiæ requiratur insuper aliquem altum Dilectionis Dei, asserentibus quibusdam, negantibus alijs, & invicem adversam sententiam censurantis. Sanctitas sua enixè cupiens pacis vinculum inter fideles servari, omnique scissura fomitem extingui, auditis votis Eminentissimorum & Reverendissimorum DD. Cardinalium adversus hæreticam pravitatem generalium Inquisitorum, nec non DD. Consultorum & qualificatorum Sacre Congregationis eiusdem generalis Inquisitionis, hoc præsentis Decreti in virtute sanctæ obedientiæ & sub panæ EXCOMMUNICATIONIS lata sententiæ huic sanctæ Sedi reservata, alijsque pœnis eiusdem sanctæ Sedis arbitrio taxandis præcipit cunctis & SINGULIS fidelibus quoscumque gradu, ac dignitate Episcopali, & maiori, imò & Cardinalitiâ fulgentibus, ut si deinceps de materia Attritionis præfata scribent, vel LIBROS aut scripturas EDENT, vel docebunt, vel predicabunt, vel alio quovis modo pœnitentes, aut Scholares, caterosque erudient, non audeant alicuius THEOLOGICÆ CENSURÆ, alteriusve INIURIÆ, aut CONTUMELIÆ notâ taxare alterutram sententiam, sive negantem necessitatem aliqualis Dilectionis Dei in præfata Attritione ex metu gehenna conceptâ, qua hodie inter Scholasticos communior videtur, sive asserentem dictâ Dilectionis necessitatem, donec ab hac sancta Sede fuerit aliquid hac in re definitum. Ita-

suit que præterea Decretum hoc, seu illius exemplum ad valvas Basilicæ Principis Apostolorum de urbe & in acie Campi Floræ affixum omnes ubi que existentes ardeat, & afficere, ac si unicuique personaliter fuisset insinatum.

Franciscus Riccardus sanctæ Romanæ &  
universalis Inquisitionis Not.

locus ✠ Sigilli.

### §. I I. *Varia inter nostram, Luthericæ sententiam differentia.*

**N**ihil familiarius Adversariis, quàm objecto Lutheranz doctrinæ confortio adversus Dilectionis in sacramento Pœnitentiæ necessitatem velle præscribere. Memini me non sine admiratione (ut mitissimè loquar) legisse thesım 37. à Rdo. P. Ægidio Thybault S. Th. Profess. Soc. Jesu Anno 1660. propugnatam, in qua sic habebatur: Acriviter olim Lutherus invehit̃ est in Catholicos, quod docerent Contritionem ex solo metu gehennæ sine motivo Charitatis conceptam sufficere ad iustificacionem in sacramento Pœnitentiæ, & eiusmodi Attributionem contendeat malam esse, quatenus implicite annexam habet voluntatem peccandi, si non esset poena. Luthero, eiusque in hoc SEQUACIBUS ANATHEMA dicit Tridentinum, & declarat eiusmodi Contritionem imo perfectam. cum spe veniæ in sacramento sufficere posse.

Hanc libertatem Lutherano carbone notandi nostram Sententiam mirum quantâ prurigine nonnulli postea imitati fuerint. Quibus licet Alexand. VII. nupero suo Decreto capistrum iniecisse videatur, nihilo minus, ut detractâ larvâ quisque manifestè conspiciat, quàm malè fundata sit illa scribendi, & Lutherani erroris notam obijciendi licentia, lubet hic ostendere immanè quantum Lutherus à nobis distet, easque differentias inter utramque sententiam in medium proferre, quas ex proprijs verbis, si voluisset Adversarius, potuisset agnoscere.

PRIMA DIFFERENTIA. Ipso loco, quo societatis & concordiz cum Luthero nos insinulat Adversarius, fatetur & scribit: *manifestum est Lutherum initio defectionis suæ & præsertim in sermone de Pœnitentiæ REIECISSE omnem POENITENTIAM, quæ CONCIPITUR EX METU &c.* fateor, sed quo candore subjungitur: *hæc autem est ipsissima sententia Adversariorum? ipsissima? Ego rejicio omnem pœnitentiam, quæ concipitur ex metu? ego inquam, ego ille de quo* aum. 78.



paucis post lincis ita scribit: *Timorem non admittit tantum P. Fatyagues, sed insuper asserit TIMOREM IN OMNI JUSTIFICATIONE INTERVENIRE*? Ego, qui in quæst. quodl. arg. 1. §. 5. commendo doctrinam, quæ docet pœnitentiam Cathecumenorum SEMPER CONCIPI *ex timore servili*; sive ut ipse aliquoties exprimit *semper debere inchoari à timore servili*? hæc sunt ipsissima eadem: *semper concipi ex timore, & nunquam concipi*? si do admittit, manus, fateorque mihi tantam esse cum Lutheri doctrina concordiam, quanta est inter *semper & nunquam*.

SECUNDA DIFFERENTIA *Manifestum est Lutherum initio defectionis suæ &c. reiecit omnem pœnitentiam, quæ concipitur ex SPE &c.* prout ibidem Adversarius. Cedò hæc est ipsissima sententia nostra? Ego actum Spei à pœnitentiæ negotio rejicio? ubi? quando? quo loco? quibus verbis?

ibid.

TERTIA DIFFERENTIA: Lutherus volebat solo amore Contritionem à peccatoribus quæri; neque hoc diffitebitur P. Le Dent ex cujus sententia Lutherus rejecit omnem pœnitentiam, quæ concipitur ex motivo ab amore distincto.

Imò illa fuit Summa totius controversiæ inter Catholicos & Lutherum: *utrum Contritio solo amore conciperetur*? Luthero affirmante, Catholicis negantibus.

Uude Joannes Eckius lib. 1. de pœnit. c. 1. SUMMA ego DISPUTATIONIS nostra est: *contendit Ludder impugnando veritatem cum confidentia clamoris: CONTRITIONEM SOLO AMORE CONCIPI: si quis autem eam parare velit recogitando omnes annos in amaritudine animæ suæ &c. hanc Contritionem aserit facere hypocrisiam, ac magis peccatorem. POENITENTIAM NON NISI AMORE CONCIPI.*

Eccè summam disputationis Catholicorum cum Luthero: ecce caput erroris: *Contritionem solo amore concipi.* Quæso in illa summa disputationis, in illo capite erroris, nos Luthero subscribimus? hæc est ipsissima sententia nostra? relegantur obsecro verba, quæ scripsi in quæst. quod pag. 51.: *nos qui existimamus non SOLO AMORE, verum etiam timore pœnitentiam concipi, non tantum à Lutheri doctrina discrepamus, verum etiam eidem doctrina è diametro repugnamus,*

QUARTA DIFFERENTIA. Lutherus docuit pœnitentiam omnem debere ex perfecto, & justificante, seu, ut loquitur, *gratificante amore concipi.*

Constat hoc ex assertionione articuli sexti, in qua Lutherus rejecit. *Neutrale illam Theologiam, quæ inter odium & GRATIFICANTEM AMO-*



REM medium fingit naturalem amorem legis, qui contritionem istam parat. Quibus verbis clarissimè declarat, se amoris nomine intelligere amorem gratificantem, seu, ut nos loquimur, justificantem.

Et quid mirum? ibidem enim præmiserat: ego enim peccatum assero, quidquid ante gratiam fit in homine, sansum abest, ut præparet ad gratiam, utique justificantem de quà manifestum est ibi sermonem esse, Quomodo etiam Lutherum intellexit censura Parisiensis apud Ecl. i. de pœnit. c. 1.  
kium. Propositionem enim hanc Augustini: bonus est timor & utilis &c. ita censuraverat Lutherus: hoc est meo iudicio consuetudo desperandi & odiendi Deum, si excludatur GRATIA. Porro Lutheri censuram ita censurat facultas Parisiensis: iudicium Lutheri de dicto Augustini: bonus est timor &c. est falsum temerarium & impium accipitis gratiam, ut supra pro GRATIA GRATUM FACIENTE, sicut eam accipitis SCRIPTOR.

Quod si Luthero omne opus, quod fit ab homine ante gratiam sanctificantem visum fuerit esse peccatum: ergo non admi sit amorem nisi gratificantem, seu justificantem.

Merito proinde jactis à se fundamentis super ædificat hanc conclusionem in assertionem Articuli septimi: sis ergo certus, simul cum bono conteritur, simul & gratia (utique justificans) infunditur

Ex quibus omnibus apparet Lutheri sententiam fuisse: pœnitentiam omnem debere ex perfecto, seu justificante amore concipi.

Hæc est ipsissima sententia nostra? nos sentimus pœnitentiam omnem ex amore perfecto, seu gratificante debere concipi? nos omne opus, etiam imperfectum Dei amorem, qui reperitur in homine ante gratiam sanctificantem cum Luthero peccati damnamus?

QVINTA DIFFERENTIA priori conjuncta. Lutherus imperfectam charitatem tamquam vitiosam à pœnitentiae negotio rejecit: unde negabat pœnitentiam ex hujusmodi amore imperfecto posse concipi.

Liquet hoc ex Articulo quarto Lutheri in quo ita scribit: imperfecta charitas morituri secum fert necessario magnum timorem, qui se solo satis est facere pœnam purgatorij. & impedit introitum regni.

Et in assertionem dicti articuli sese explicans: quum enim Ioannes Apostolus verè dicat: timor pœnam habet, & timorem non expellit nisi perfecta charitas, ut idem dicit, clarum arbitror hinc fieri timorem esse in imperfecta charitate, qua eum expellere nequit. Hoc autem vitium charitatis (sicut Augustinus appellat) quid est aliud, quam fomes & residuum originalis peccati, quod hominem privavit à recta, secuta & perfecta charitate Dei? Quare verum est imperfectam charitatem IMPEDIMEN-

TO AD INTROITUM REGNI PROPTER VITIUM QVO IM-  
PERFECTA EST. Non potuit Lutherus apertius doctrinæ suæ vene-  
num evomere, & imperfectam charitatem à pœnitentiæ negotio re-  
jicere. Te obtestor amice Lector *hæc est ipsissima sententia nostra?* nos  
imperfectam charitatem à pœnitentiæ negotio secludimus? Nos im-  
perfectam charitatem dicimus impedimento esse ad introitum regni  
propter vitium quo imperfecta est? propter fomitem & residuum  
originalis peccati, quod hominem privavit à recta; secunda, & perfecta  
charitate Dei? Ne ipse quidem audebit hoc cogitare, nedum asserere  
Adversarius.

SEXTA DIFFERENTIA, eaque potissima & maximè essentialis.  
Lutherus in priore sua sententiâ sic docuit pœnitentiam amore con-  
cipi, ut tamen reverà sub amoris pallio veram negaret pœnitentiam,  
& nonnisi chymæricam ac fictitiam mundo proponeret.

Nemini Catholicorum dubium est, quin vera pœnitentia debeat  
esse *verum odium, verus dolor, vera peccatorum desectatio.* Quid porro  
Lutherus? initio defectionis suæ negavit pœnitentiam debere esse *ve-  
rum odium, verum dolorem, veram desectationem peccatorum.* Testem  
hujus veritatis profero Cardinalem Bellarminum libro 2. de pœnit.  
cap. 4. ità scribentem: *Lutherus initio defectionis suæ à Catholica eccle-  
sia inter alia multa hæretica paradoxa, hæc etiam excogitavit ac docuit  
non esse veram contritionem, sive pœnitentiam ODIIUM VITÆ PRÆTERI-  
TÆ, sed amorem iustitiæ & novam vitam.*

Idem Cardinalis etiam libro 1. cap. 7. disertè testatur, *pœnitentiam  
Luthero non designare ODIIUM vel DOLOREM DE VITA PRÆTE-  
RITA, sed significare amorem iustitiæ &c.*

Quamquam quid opus aliunde accersito Bellarmini testimonio?  
Lutherus ipse loquatur famoso illo, quem Adversarij ad ravim usque  
inclamant, sermone de pœnitentia: *plus, inquit, tibi discutiendum est,  
confessuro, quantum diligas iustitiam, quàm quantum odias peccatum:  
multoque maiore, in dolo hæc LABORE tibi cogitandum est, quomodo  
futuram vitam agas bonam, quàm quomodo ODIAS, AUT DESE-  
RAS PRÆTERITA MALA. Verissimum enim est proverbium & omnis doctri-  
nâ de contritionibus huius usque datâ præstantius: optima pœnitentia nova  
vita.*

Hæc Lutherus, qui solum in eo laborandum jubet, quomodo  
vitam agas bonam, non quomodo præterita oderis mala.

Idem etiam Lutherus in epistola ad Staupitium scripta Anno 1518.  
non obscure scribit nomen pœnitentiæ non significare odium, vel  
dolo-

dolorem de vita præterita, sed amorem, dilectionemque iustitiæ.

Denique circa primam conclusionem resolutionum suarum scribit iterum : *non ergo in usu sacra scriptura pœnitentia DOLOR definitur, sed mutatio mentis & consilij.*

Avertat benevolus Lector oculos suos à vanitate Lutheranz doctrinæ, & in nostram convertat sententiam. Amabo, nos cum Luthero pœnitentiam prædicamus odio *vita præterita* destitutam? Nos *dolorem, & detestationem peccatorum, desertionem præteritorum malorum* è tribunali sacramentali proscribimus? hæc est, si Deo placet, *ipsissima sententia* nostra? hæc est illa, pro cuius necessitate pugnamus, pœnitentia? Nemo, ut opinor, id asserat, quin non omnium calculo, Cantherino, ut ajunt, ritu stans somnariæ censeatur.

Qua-propter insinuat sese, non manifestum tantum, sed & intimum, capitale, & ut ita loquar *substantiale ac essenziale* ex ipsis visceribus causæ petitem discrimen inter nostram, Lutherique sententiam. Hoc nimirum, quod actus pœnitentiæ nobis sit *verum odium vita præterita*, verus dolor & detestatio peccatorum, non est in Luthero.

Ac proinde vix dici potest, quantoperè fallatur Adversarius, dum ita concludit : *neceesse est, ut fateatur P. Farvacques suam sententiam cum priore Lutheranorum doctrina, quoad ACTVM CVM SACRAMENTO REQUISITVM CONCORDEM esse.*

Necesse enim erit ut concordiam illam fatear, quandò odium *vita & non odium, dolor & non dolor, detestatio & non detestatio, desertio & non desertio præteritorum malorum* eodem censebuntur nomine, ac in eandem coalescent naturam & concordiam. Quamdiu verò Adversarius illa non potuerit in concordiam redigere, tamdiu necesse erit fateatur sententiam P. Farvacques cum priore Lutheranorum doctrina quoad actum cum sacramento requisitum concordem non esse, nostramque non esse ipsissimam Lutheri sententiam.

Quàm fragile porrò & infirmum est, cui Adversarij oppositio nititur, fundamentum! fateatur, inquit, *hic Author questionis quodlib. pag. 52. hoc sibi cum Luthero commune esse, quod insio desertionis sua docuerit pœnitentiam omnem debere ex amore concipi.*

Falsus sum, non inficiabor : sed quàm consequentiæ verisimilitudine infertur : ergo *nostra sententia est ipsissima sententia Lutheri renicientis omnem pœnitentiam, qua concipitur ex metu, spe, aut alio simili motivo ab amore distincta.*

Rari jure possem ita argumentari: *Author responsionis docet cum Lu-  
thero*



*thero & Confessionistis pœnitentiam ex timore pœnarum sufficienter concipi: ergo eius sententia est ipsissima sententia Lutheri & Confessionistarum reuoluentium pœnitentiam, quæ ex amore Dei concipitur?*

Patiatur itaque Adversarius vel utramque consequentiam negari, vel sciat parem obligationem sibi incumbere Lutheranae doctrinae notam à se propullandi. Quod enim tam confidenter asserat sibi & Lutheri nihil esse commune, sequenti paragrapho abundè confutabitur.

Ut autem luce clariùs appareat, quàm falsum sit, quod nostra sit *ipsissima Lutheri sententia*, lubet ea, quæ hoc paragrapho dicta sunt breviter in summam redigere.

I. Lutherus initio defectionis sue reiecit omnem pœnitentiam, quæ concipitur ex metu, nos talem pœnitentiam veneramur.

II. Lutherus reiecit omnem pœnitentiam, quæ concipitur ex spe aut alio simili motivo ab amore distincto: nos talem pœnitentiam toto corde suscipimus.

III. Lutherus pœnitentiam voluit solo amore concipi, nos id negamus & pernegamus.

IV. Lutherus docuit omnem pœnitentiam ex amore perfecto, & gratificante debere concipi, nos falsum id esse lubentes, volentisque pronuntiamus.

V. Lutherus amorem & charitatem imperfectam tamquam vitiosam à pœnitentia negotio reiecit, nos charitatem imperfectam tamquam concipiendæ pœnitentiæ idoneam commendamus & extollimus, tantùm abest ut tamquam vitiosam rejiciamus.

VI. Lutherus sic docuit pœnitentiam amore concipi, ut reapse veram pœnitentiam, verum odium, verum dolorem, veram peccatorem detestationem negaret: nos oppositum tamquam fidei dogma in Tridentino definitum intimo cordis affectu amplectimur, & docemus.

Possẽ nullo negotio plura inter nostram, Luthericæ sententiam momentosa detegere discrimina; verum mihi spes est, ea, quæ partim ex ipsis Adversarij verbis, partim ex visceribus causæ prolata sunt, curioso Lectori abundè comprobasse, non esse ipsissimam Lutheri, nostramque sententiam.



§. 3. *Vtrum R<sup>do</sup>. Patri Le Dent nihil sit commune cum posteriore Lutheranorum sententia ?*

**I**ntrepidè affirmat his verbis : *Neceſſe eſt , ut FATEATUR P. Farvacques, nobis cum neutra Lutheranorum ſententia quidquam eſſe commune.*

*Neceſſe eſt , ut fatear ?* Parebo , ſi tamen priùs Adverſarius non-nullos ſcrupulos , qui confeſſionis meæ candorem remorantur , dignatus fuerit audire , & ex animo evellere.

**PRIMUS SCRUPULUS.** Lutherani cum Luthero in poſteriore de contritione ſententia docent *primam partem penitentia* timore pœnarum , abſque ulla prorsùs , etiam minimæ Charitatis ſcintilla , ſufficienter concipi , prout non inficiabitur Adverſarius.

*Quid ? Neceſſe eſt , ut ego citrà ſcrupulum fatear cum illa ſententia Adverſario nihil eſſe commune ?*

**SECUNDUS.** Lutherani docent ex timore pœnarum abſque ulla divini amoris flammula concipi *dolorem de peccatis* , prout agnoſcit P. Le Dent numero 83.

*Interrogo , neceſſe eſt , ut ego citrà ſcrupulum fatear cum illa ſententia Adverſario nihil eſſe commune ?*

**TERTIUS.** Lutherani docent ex timore pœnarum abſque ullo benevolo in Deum amore concipi *propoſitum vitandi peccata* , prout oſtendi in Xenio pag. 36.

*Quæro , neceſſe eſt , ut ego citrà ſcrupulum fatear cum illa ſententia Adverſario nihil eſſe commune ?*

**QUARTUS.** Lutherani docent terrores conſcientiæ incuſſos , ſeu dolorem de peccatis & propoſitum non peccandi ex ſolo pœnarum timore oriundùm eſſe opus bonum , & ſupernaturale , ſive , ut loquitur Lutherus Xenij pag. 38. *Non naturalium virium , ſed Spiritûs ſancti cor noſtrum efficaciter moventis opus.*

*Obſecro , neceſſe eſt , ut ego citrà ſcrupulum fatear cum illa ſententia Adverſario nihil eſſe commune ?*

**QUINTUS.** Lutherani *ſenſum vera penitentia de offenſa Dei* (ſic enim loquitur eorum caput Xenij pag. 21. ) explicant per ordinem ad iram & indignationem divinam , negantque Dei propter ſe amorem in eum finem eſſe neceſſarium.

Peto, sitne necesse, ut ego citrà scrupulum fatear, cum illa sententia Adversario nihil esse commune?

SEXtus. Lutherani docent cordis ad Deum conversionem haberi absque ullo Dei propter se amore, prout ostendi Xenij folio 23.

Quid? necesse est, ut ego citrà scrupulum fatear cum illa sententia Adversario nihil esse commune? An fortè commune est, quod vult Adversarius, & non commune est, quod non vult esse commune? Aut fortè huc spectat illud Apostoli: *nihil commune per ipsum, nisi ei, qui existimat quid commune esse, illi commune est?*

ad Rom.  
14. v. 14.

§. IV. *Examinantur differentie, quas inter suam, Lutherique sententiam statuit P. le Dent, ostenditur, que nos eodem jure separari à sententia Lutheri, quo prætendit idem Author separari.*

**A** Bsit, ut vel cogitem sententiam Adversarii esse ipsissimam Lutheri: confidenter tamen assero plerasque differentias quas observavit, nobis eundem à Lutheranò naufragio separationis portum exhibere, quem posset Adversario. Utrum autem discrimina, que allegat, sint idonea, & manifestiora assignari non possint, nolo judicare. Proponam tamen, quæ opponi posse mihi videbuntur.

num. 91.

PRIMUM DISCRIMEN ita proponit: *in terroribus Lutheranis nullus includebatur respectus ad Confessionem, & satisfactionem*, qui tamen respectus includitur in Attritione servili ergo &c.

Verùm si hâc ratione Attritio servilis secernitur à fœce Lutherana sententia, nihilque habet cum illa propterea commune: ut quid Lutheranæ fœcis communionem timeamus?

Sic enim urgeo: in Contritione, quam Lutherus docuit initio defectionis suæ nullus includebatur respectus ad Confessionem & satisfactionem, qui respectus includitur in Contritione nostra. Ergo &c.

Estne ovum ovo, lac lacti similis, quàm hoc argumentum argumento Adversarii?

Negabit fortè priorem Lutheri Contritionem caruisse istiusmodi respectu ad Confessionem & satisfactionem: sed nihil negotij est hoc probare.

Et quidem quod ad Confessionem attinet, constat ex ijs, quæ Cardinalis Bellarminus refert ex libro de capt. babil. sermone de penit. articulo 8. &c. Lutherum ab initio defectionis suæ de medio sustulisse

l. 3. de pecc.  
mit. c. 4.

se veram Confessionem : ac proinde Contritio , quam tum prædica-  
bat , non includebat respectum ad veram Confessionem.

Quod autem spectat ad satisfactionem , rejecit illam in ipsa Asse-  
rtione articuli quinti , in quaità scribit : SATISFACTIONEM NEGAVI  
*qualem ipsi docent , quod mihi non erit difficile probare.* Et infra : *vehe-*  
*menter odi , & sublatum vellem hoc vocabulum satisfactio , quod non mo-*  
*dò inscripturis non invenitur , sed periculosum habet sensum , quasi Deo*  
*possit quispiam pro ullo peccato satisfacere.*

Quam in rem etiam observat Bellarminus , ex concione de indul-  
gentijs Anno M. D. XVIII , Lutherum initio suæ doctrinæ negasse lib. 4. c. 2.  
pœnam à Deo exigì post culpam.

Si negavit pœnam post culpam , ergo & satisfactionem , ergo &  
respectum ad satisfactionem. Cumque antea probaverimus priorem  
illam Lutheri Contritionem nullum inclusisse respectum ad Confes-  
sionem , conficitur Contritionem nostram non minùs à Lutherana  
differre , quàm Adversarij.

At isti differentix nolim ex toto confidere : videtur enim diffe-  
rentia illa in ordine ad Confessionem & satisfactionem non satis sepa-  
rare actum pœnitentiæ cum sacramento requisitum à prima parte pœni-  
tentiæ Lutheranorum. Posset enim simul consistere , quod pri-  
ma pars pœnitentiæ Lutheranae quoad actum cum sacramento re-  
quisitum foret eadem cum Attritione servili , quamvis penes diversos  
respectus differret. Fingamus primam partem pœnitentiæ Lutheranae  
ab Attritione servili in substantia , ut ita loquar , non differre , sed tan-  
tùm penes diversos respectus : eritne propterea actus cum sacramen-  
to pœnitentiæ requisitus substantialiter diversus? nihil erit inter utram-  
que sententiam commune?

Fingamus iterum hæreticum quempiam docere materiam Bap-  
tismi esse aquam naturalem , cum respectu tamen ad formam falsam.  
Eritne propterea dicendum , quod Hæreticus ille nihil prorsus doceat  
nobiscum commune? non tradet ille unam saltem partem Baptis-  
mi , quàm docent Catholici? Errabit ille circa substantiam primæ  
partis Baptismi?

Posset igitur aliquis similiter contendere primam partem pœniten-  
tiæ Lutheranae in substantia non differre ab Attritione servili , quam-  
vis concederet differre penes respectum ad Confessionem , & satisfac-  
tionem , ac propterea aliud essentialius discrimen desiderare.

SECUNDVM DISCRIMEN statuitur ab Auctore Responsionis  
hoc modo : *terrores ab Hæreticis asserti , non habebant necessariò ad-*



*iunctam spem venia*, quam habet Attritio servilis. Ergo &c.

Mutemus! Clypeos, & fas sit mihi ita ratiocinari: *prima Contritio à Lutherò asserta non habebat, necessariò adiunctam spem venia*, quam habet Attritio nostra. Ergo &c.

Antecedentis probationem ut habeat Adversarius tantum dignetur relegere verba quæ scripsit num. 78: *manifestum est Lutherum in iunctio defensionis sua reiecisse omnem pœnitentiam, quæ concipitur ex metu, SPE, aut alio simili motivo ab amore distincto*. Si pœnitentiam, quæ concipitur ex SPE, rejecit: ergo & illam, quæ adjunctam habet Spem veniæ.

Quod si nolit proprijs verbis credere, audiat Lutherum propriæ mentis interpretem. Scribit ille in Assertionem Articuli sexti: *cum ergo collectio peccatorum extra gratiam non nisi legem sibi præstet, ad quam peccata sua confert, impossibile est (licet metu pœna, vel SPE PRÆMI) forsiter similes) ut non magis odias legem quam peccatum &c.*

Clarum est, quod Lutherus ab ea, de qua agit Contritione, actum spei proscribat, & consequenter spem veniæ: Nos verò ad salutarem Contritionem requiri spem veniæ cum clamore valido protestamur: ergo vel eo titulo à Lutherana doctrinæ contagio mundi sumus, vel ne ipse quidem Adversarius.

Quamquam re bene inspectâ aliquantò certius videatur nos hac in parte à Lutherò dissentire, quam certum sit dissentire Adversarium.

Quod enim confidenter asserat terrores Lutheranos non habuisse necessariò adjunctam spem veniæ, si de terroribus intelligatur prout à Lutherò, ejusque affectis dicuntur prima pars pœnitentiæ, non video firmâ quâdam ratione hætenus probatum fuisse.

Quin imò Lutherus quamquam in priore de Contritione sententia spem veniæ à pœnitentiæ consortio rejecerit, (qua in re plurimum à nobis dissentit) postmodum tamen ab amoris extremo ad extremum timoris dilapsus, spem veniæ, seu ut loquitur in cap. 14. *Oscæ ardens desiderium ignoscens* ad pœnitentiam solet requirere.

Unde ibidem, in ipsis doloribus, inquit, *concipiunt SPEM, & tamquam in umbra mortis viderent (fortè vident) lucem viam*. Etsi enim peccata TERRENT, tamen idèò non desperant, quia vident. Pretium peccatorum incomparabile sanguinem filij Dei. Et in Psalm. 51. agens de Contritione in terroribus sita, *scimus*, inquit, ipsum (DEUM) velle ut SPEREMVS, & nisi SPERES pœnam æternæ damnationis subeundâ esse.

Quò fit etiam, ut idem Lutherus terrores suos, prout statuunt primam partem pœnitentiæ, à pœnitentia Judæ inter cetera hoc no-



mine distinguat, quod prima pars pœnitentiæ adjunctam habeat spem veniæ, non item pœnitentia Judæ.

Liquet hoc ex Lutheri commentario in cap. 27. Genesis, in quo sic habet: *pœnitere igitur est serid sentire iram Dei propter peccatum ita ut animo angatur peccator, & exercitetur DESIDERIO SALVTIS, & misericordia Dei. Hunc verò erigit, & consolatur, qui potest, ne DESPERET, & pereat, sicut Iudas desperabat.*

Quapropter non est usquequaq; verum, quod scribit P. Le Dent Num. 85.  
pœnitentiam Petri, seu primam partem pœnitentiæ Lutheranæ jux-  
tâ Lutherum, ejusque Affeclas non differre à pœnitentia Judæ nisi  
penes alteram partem pœnitentiæ, prout constat ex verbis Lutheri,  
& manifestius evadet ex dicendis.

Quamquam etsi concederetur primam partem pœnitentiæ ex  
mente Lutheranorum non habuisse adjunctam spem veniæ, super-  
esset probanda differentia inter terrores Lutheranos & Attritionem  
servilem quoad actum, qui Attritio servilis dicitur. Quid si enim non-  
nemo contendat Attritionem servilem esse actum priorem spe veniæ,  
prout ex Tridentino posset aliquis conjicere ? nonne aliam foret  
investigandâ differentia ?

TERTIUM DISCRIMEN inter suam, Lutherique sententiam Ad-  
versarius profert hujusmodi: *terrores Lutherani voluntatem peccandi* Num. 91.  
*nullo modo excludebant*, ob causam infra examinandam: porro At-  
tritio servilis voluntatem peccandi excludit. Ergo &c.

Verum, eâdem operâ, eodem calamo poterat Adversarius potiori  
jure à Lutherani doctrinæ societate nos separare. Tantùm enim de-  
buerat sic argumentari: *Prima Contritio à Lutheo asserta voluntatem*  
*peccandi nullo modo excluderat*: porro Attritio nostra voluntatem pec-  
candi excludit. Ergo &c.

Antecedentis veritas constat ex dictis paragrapho 2. in quo osten-  
dimus primam Lutheri Contritionem neque fuisse *verum odium vita*  
*præterita, neque dolorem, aut detestationem peccatorum, neque desero-*  
*nem præteritorum malorum.* Exinde enim necessariò sequitur quod  
talis Contritio voluntatem peccandi nullo modo excluderit. Quo-  
modo enim excluderetur voluntas peccandi à peccatore, qui nullo  
odio, dolore, vel detestatione peccati commissi tenetur, qui præ-  
terita mala non deserit? sanè, quod excluditur, utique affectu deseritur.  
Sumus igitur à tempestate Lutherana remotissimi, vel ipso navim  
agente Adversario. Placet autem examinare utrum perinde securum  
sibi portum elegerit.

Probat terrores Lutheranos non excludere voluntatem peccandi, quia ducebant ad desperationem.

Verum de efficacia hujus probationis posset quis non de nihilo subdubitare: videtur enim sic argumentans non satis distinguere terrores de quibus agunt Lutherani. Quod ut Lector intelligat

Obseruo ex Alphonsio Virvesio Philippica 9. duplicis generis terrores agnitos fuisse à Lutheranis; scilicet *veros & falsos*. Unde Virvesius: *quàm vellem*, inquit, *ut Philippus (Melanchton) istos veros terrores, quibus seriò conscientia (sic enim illos exponit) dolere consuevit, à falsis mihi distingueret*. Et ipse Melanchton in Apologia Confessionis Augustanæ primam partem pœnitentiæ vocat *veros terrores conscientia*, utique distinguens terrores illos à falsis terroribus, quos habuit Judas, Cain &c. quosque pertinere ad pœnitentiam *hypocriticam, & simulatam* docet Lutherus in caput 31. genensis.

Probatio itaque proposita evincit *falsos* illos *terrores* ducere ad desperationem, ac proinde nullo modo excludere voluntatē peccandi: sed de terroribus illis, quos primam pœnitentiæ partem statuebant, Lutherani, nihil video efficaciter concludi. Imò potius posset quis ex dictis oppositum suspicari. Ut enim vidimus, contendunt Lutherani veris illis terroribus conscientiam *seriò dolere* non item *falsis terroribus*: ergo ut consequenter loquantur, debent docere veros terrores excludere voluntatem peccandi, neque enim videtur seriò de peccatis dolere, qui voluntatem peccandi ab animo suo nullatenus excludit. Falsis porro terroribus sicut anima seriò non dolet, ita etiam ex eorum doctrina, desperatio & voluntas peccandi non excluditur.

Neque verò existimare oportet terrores veros & falsos à Lutheranis confundi nullo prorsus facto inter illos discrimine; prout videtur sentire Adversarius; etenim illos terrores plurimum discernunt.

I. Quia terrores illos non minùs distinguunt, quàm *veritatem à falsitate*, ut ex dictis colligitur.

II. Veris terroribus docebant conscientiam *seriò dolere*, quod de falsis terroribus minimè docebant.

III. Veri terrores juxta eisdem habebant conjunctam *spem veniæ*, ut statim ostendimus, non item falsi terrores desperantium.

IV. Veri terrores Lutheranis erant non *naturalium virium, sed Spiritus sancti cor nostrum efficaciter moventis opus*, prout ex Luthero, ejusque affectis ostendi Xenij pagina 38. falsos autem terrores Cain, Judæ &c. nunquam docuerunt esse *supernaturales*.

V. Veri terrores, Lutheranorum judicio, complectebantur propositum vitæ novæ, uti comprobavi Xenij pagina 36. quod propositum falsis desperantium terroribus minime continebatur.

Ex quibus patet non esse omnino veram doctrinam illam P. Le Dent, quod juxta Lutheranos *pœnitentia Petri à pœnitentia Iudæ* num. 85: *non differbat penes Contritionem, sed tantum penes alteram pœnitentiam partem.* Siquidem prout jam probatum est, pœnitentiam Petri à pœnitentia Iudæ distinguebant, sicut veritatem à falsitate, opus supernaturale à non supernaturali &c. quæ distinctio *intrinseca* est, ut sic loquar, & non tantum penes alteram pœnitentiæ partem.

Opponit quidem Adversarius Philippum Melancthonem scribere: *fidem ostendere discrimen inter Contritionem Iudæ & Petri*, & inde concludit Pœnitentiam Petri à pœnitentia Iudæ non differre penes Contritionem, sed tantum penes alteram Pœnitentiæ partem.

Verum fateor me non percipere vim hujus consequentiæ: potest enim consistere *fidem ostendere discrimen inter Contritionem Iudæ & Petri*, quamvis Contritio Iudæ & Petri multis alijs nominibus differant. Ecce similem fallaciam: *valor Absolutionis ostendit discrimen inter Attritionem salutarem, & non salutarem: ergo Attritio salutaris & non salutaris non differunt nisi penes alteram Pœnitentiæ partem.* Item. *Spes veniæ ostendit discrimen inter Pœnitentiam Iudæ & Petri: legitime concludam: ergo Pœnitentia Iudæ & Petri non differunt nisi penes Spem veniæ?*

QUARTUM DISCRIMEN inter suam, Lutherique Contritionem sic explicat: Lutherani volebant *terrores esse dispositionem immediatam & ultimam*, sic ut solâ fide accedente peccator iustificaretur: hoc de Attritione servili nullatenus dicendum est. Ergo &c.

Nescio, quâ suffragante fortunâ factum fuerit, ut nullum discrimen occurreret Adversario, quod non perinde nos à Lutherana pestilentia separaret. Ecce enim nos eodem jure separatos: Lutherus *primam contritionem volebat esse dispositionem immediatam & ultimam*, sic ut solâ fide accedente peccator iustificaretur: hoc autem de Contritione nostra omnino negamus. Ergo &c.

Vides ejusdem prorsus rationis argumentationem. Antecedentis porro veritas tam manifesta est, quam quid manifestissimum. Cum enim Lutherus Assertionem, articulorum damnatorum scribebat, simul etiam assererat solam fidem iustificare, ac per consequens docebat Contritionem sic esse dispositionem, ut solâ fide accedente peccator iustificaretur.



Clarum hoc est legenti assertionem articuli primi apud Joannem Fiffcherum, in qua Lutherus probans sacramenta novæ legis non dare gratiam illis, qui non ponunt obicem, concludit: SOLA ERGO FIDES JUSTIFICAT, *ut prædictæ autoritates probavêre*. Et infra: *nos autem dicimus, nec novi, nec veteris Testamenti sacramenta, sed SOLAM FIDEM iustificasse, sicut Paulus dicit: iustus ex fide sua vivet*. Quare Lutherus non plus adscribit Contritioni suæ primæ, quàm excogitatis postea terroribus. Unde discrimen illud, vel Adversario nihil suffragatur, vel nobis eodem jure patrocinatur.

Quamquam si res penitiùs examinetur, fortè non deerit, qui discrimen magis intimum & *substantiale* desideret ab oppositæ sententiæ autoribus. Enim verò quartum hoc discrimen ita agis ab effectu & consequentibus petitur, quàm ab ipsa rei substantia. Potest enim fieri quod prima pars pœnitentiæ Lutheranæ dicatur non differre in substantia ab Attritione servili, quamvis diversâ ratione disponat ad justificationem. Quòd quidem exemplo familiari elucidare quis possit.

Fateamur eundem esse Baptismum in *substantia* apud hæreticos & Catholicos, quamvis interim hæretici adscribant justificationem soli fidei iustificanti. Quid si ergo aliquis affirmet etiam Lutheranos terrores & Attritionem servilem idem esse in substantia, quamvis Lutherani justificationem soli fidei adscribant & non Catholicis. Quapropter aliquid plus lucis videtur hic posse desiderari.

### §.5. *Vtrum præstitum fuerit, quod exegerat P. Le Dent circa terrores Lutheranos?*

**O**pposuerant in questione quodlibetica terrores Lutheranos nescio quid affine habere cum Attritione servili, verùm P. Le Dent putavit ab illa societate tam facile se expedire, quàm *pyrum vulpes comest*. Terrores enim intellexit ab omni dolore & vitæ novæ proposito alienos. Unde monens me officij mei in tractatu de Attritione numero 173. Fateor, inquit, *Lutherum admisisse terrores: hinc tamen non inferatur docuisse nostram sententiam*. OSTENDERE DE BEBAT. *Autor Quodlibetica, quòd Lutherus alicubi docuerit in Sacramento Pœnitentiæ ad justificationem sufficere DOLOREM de peccatis, & PROPOSITUM vitæ novæ ex solo motivo timoris gehennæ.*

Jam verò in Xenio Theologico apertissimè ostendi pag. 35. & 36.



36. Lutheranos terroribus suis intellexisse etiam dolorem de peccatis, & propositum vitæ novæ, nec diffitetur Adversarius scribens in Responsione numero 83. *hoc igitur etiam inter nos convenit admittatur postea à Lutheranis fuisse dolorem de peccatis.* Quod ipsum ibidem concedit de proposito vitæ novæ.

Credideram itaque me ostendisse, quod ostendere debueram. Quid enim illud erat? Lutherum docuisse ad justificationem sufficere *dolorem de peccatis & propositum vitæ novæ ex solo motivo timoris.*

Hoc autem à me ostensum erat, quandoquidem fatente Adversario ostenderam Lutherum ejusque Discipulos per terrores etiam intellexisse dolorem de peccatis, & propositum vitæ novæ. Plus à me non exegerat, existimabam proinde obligatione meâ me exsolutum.

Verum adversarius videns ostensum esse, quod præcisè exegerat, aliò se convertit, & longè plura, quàm ab initio requirit. Videns enim præter expectationem suam jam manifestè demonstratum esse, à Luthero, ejusque Asscclis terrorum nomine intelligi dolorem de peccatis, & propositum vitæ novæ, aliò se confert, & eas conditiones postulat, de quibus ne hilum quidem antea proposuerat. *Num. 84.* *stetabit illum audire: OSTENDERE DEBUERAT Author Xenij, quod vel Lutherus, vel Confessionista reiectâ prioris sententiâ docuerint dolorem de peccatis ex motivo metus gehennæ, unâ cum spe veniæ, & proposito non peccandi de cætero, per quæ positi vè excludatur omnis voluntas peccandi, sufficere cum sacramento Pœnitentiæ ad justificationem vi operis operati ipsius sacramenti sine quo nullo modo haberetur reconciliatio.*

Ostendere debueram? omninò, si conjector Oedipus fuissèm, & divinare potuissèm sermonem esse *de spe veniæ, exclusionem voluntatis peccandi, opere operato &c.* quorum omnium ne iota quidem propositum fuerat. Sic enim locutus fuerat: *ostendere debuerat, quod Lutherus Num. 173.* *alicubi docuerit in sacramento Pœnitentiæ ad justificationem sufficere dolorem de peccatis & propositum vitæ novæ ex solo motivo timoris gehennæ.*

Quamobrem *potiori iure*, quàm Adversarius possem dicere mihi tales non esse oculos, ut videre queam, quod gestat in animo & non exprimit calamo. Corda & renes scrutatur Dominus: ego propositis mihi terminis institi, quod postulabatur præcisè præstiti, & ad oculos & fortè tum temporis nondum natas animi cogitationes, scriptionem meam non direxi.

Dixi *potiori iure.* Fallitur enim putans me diversissimum quid à Tridentino opposuisse, dum ad SS. Patrum pœnitentiam me retuli. Tridentinum Capite 2. sess. 14. in quo versabar diserte se refert ad SS. Patrum

Patrum pœnitentiam, undè à Tridentini peripheria non aberrabam quando eodem me referebam. At, inquit, aliò respexisse me fateor. Distinguo Rde. Pater: aliò, quàm debueram, vel quàm respiciat Tridentinum, Nego. Aliò quàm putaverat Va. Pras. Concedo.

Verùm ut revertar ad provocationem factam, & novos limites probationis mihi præscriptos, dico Lutherum in posteriore suâ sententiâ requisivisse ipem veniæ, & quia in vestra sententia spes veniæ, & timor gehennæ positivè excludunt voluntatem peccandi, non defuturos, qui affirmant terroribus Lutheranis positivè excludi voluntatem peccandi: Quod ipsum fortassis colligent ex eo, quod Lutherani docerent peccatorem veris terroribus *seriò delere* de peccatis, quod sine exclusione voluntatis peccandi non videtur posse intelligi.

Quod adfertur de opere operato nihil facit ad præsens negotium, quia discrimen illud pertinet ad effectum partis Pœnitentiæ, non ad ipsam substantiam primæ partis Pœnitentiæ. Sicut ex eo, quod hæretici negent opus operatum in Baptismo, perperam quis intulerit ab illis tradi materiam Baptismi à nostra diversam in substantia.

Ug. autem tollatur omnis causa de plastro, ut ajunt, loquendi, propono Adversario easdem conditiones, easdem probandi leges, ipsissimis eisdem terminis immutatis conceptas, quibus me provocat. Quid enim æquius, quàm ut patiatur leges, quas tulit. Sicigitur propono. *Ostendat P. Le Dent quod Lutherus in priore sua sententia docuerit dolorem de peccatis, unâ cum spe veniæ & proposito non peccandi de cætero, per quæ positivè excludatur omnis voluntas peccandi, sufficere cum sacramento Pœnitentiæ ad iustificacionem vi operis operati ipsius sacramenti sine quo nullo modo haberetur reconciliatio.*

Ostendat hæc Lutherum docuisse in priore suâ sententiâ, & herbam victori lubens porrigam, sin verò non potuerit, desinat scribere nostram esse ipsissimam Lutheri sententiam.

Atque hæc de Lutheri mente sufficiant, de quibus nihil scripsissem; si ad scribendum objecto Lutheranæ sententiæ nomine stimulatus non fuisset: jam verò inivi consilium, quod ille apud Salustium: *non placeat recitare, ne quis modestiam in conscientiam duceret.*

## CAPUT SECUNDUM.

Utrum Attritio servilis positivè excludat voluntatem peccandi?

**V**erissimè scriptum est ab Augustino, neminem sic locutum esse, ut ab omnibus intelligeretur. Verèq; enim ut Author Responsionis satis assecutus fuerit, quæ circa exclusionem voluntatis peccandi à me scripta sunt. Quare dabo operam, ut quàm fieri poterit clarissimè & brevissimè, doctrinæ à me traditæ sensum aperiam.

§. I. Status præsentis questionis dilucidè proponitur.

**O**bservet Lector positivam alicujus rei exclusionem dupliciter posse contingere, scilicet mediatè & ut ità dicam *causaliter*, vel immediate, & quodammodò *formaliter*.

Causaliter seu mediatè excludere est aliquid causare quo mediante habetur exclusio alterius. Hoc sensu Sol dicitur excludere tenebras ab aere nostro, quia causat in aere nostro lumen, quo mediante excluduntur tenebræ.

Formaliter, seu per se, & immediatè aliquid excludere, est nullo mediante & seipso aliquid excludere & non pati in subjecto. Hoc sensu lumen excludit formaliter tenebras ab aere, visus cæcitatem ab oculo &c.

Eodem modo dicendum est aliquam voluntatem posse dupliciter dici efficacem, scilicet *causaliter* & *formaliter*.

Voluntas causaliter efficax dicitur illa, quæ causat & efficit aliquid, quo mediante fit illud propter quod datur. Hoc sensu pius motus fidei potest dici efficax respectu exclusionis peccati, quia potest causare amorem Dei super omnia, quo mediante excluditur voluntas peccandi.

Voluntas formaliter efficax dicitur illa, quæ nullo alio mediante per seipsam, & ut, ità loquar *in genere causa formalis* præstat illud propter quod datur. Hoc sensu amor Dei super omnia dicitur efficax respectu exclusionis peccati, quia per seipsum nullo mediante excludit, & removet ab anima affectum peccati mortalis.

Status ergo præsentis questionis circa hunc cardinem versatur, utrum

trum Attritio servilis formaliter & seipsâ immediatè excludat voluntatem peccandi, sive utrum sit voluntas formaliter efficax respectu exclusionis peccati? Quod enim Attritio servilis possit causaliter excludere voluntatem peccandi, & esse voluntas causaliter efficax introducendo amorem Dei super omnia, sicut apud Augustinum seta introducit linum, non diffitemur.

§. II. *Quenam sit Legitima ratio cur amor Dei super omnia positivè excludat voluntatem peccandi?*

Rationem claram & manifestam huius veritatis proposueram in Xenio paginâ 48. Voluit tamen Adversarius pleno meridiei ofundere tenebras, quodque apud Horatium legitur: *& stellis nebulas spargere candidis*. Quas nebulas facili negotio dispulisset, si ( uti poterat ) voluntatem absolutam à simplici velleitate discernere voluisset. Ut ut sit, parum id mihi curæ est, quandoquidem non diffiteatur rationem à me prolatam legitimè concludere, si his verbis exprimitur:

Qui habet amorem Dei super omnia Deum summè æstimat, seu præfert omnibus in quibus peccaretur mortaliter: qui autem peccat mortaliter Deum interpretativè contemnit, seu alicui postponit. Atqui fieri nequit, ut idem omnibus præferatur, & simul illorum alicui postponatur. Ergo &c.

§. III. *Utrum eodem argumento probetur timorem gehennæ excludere positivè voluntatem peccandi?*

Affirmat P. Le Dent, verum reclamat manifesta veritas ob sub-

num, 146.

PRIMò, ut eodem argumento probaretur timorem gehennæ positivè excludere voluntatem peccandi oporteret in timore aliquid reperiri, quod summè æstimaretur, & præferretur omnibus, sicut in argumento proposito reperiebamus. Quæro igitur quid illud sit? Deus, an creatura? si Deum dixeris, jam benevolum Dei propter se amorem requiris. Quid enim aliud est Deum summè æstimare, & omnibus præferre nisi Deum propter se amare? si creaturam dixeris summè æstimari, & omnibus præferri, securè pronuntio talem timorem in peccato esse, nedum voluntatem peccandi excludere. Cum enim

Mat-



Matthæi 10. v. 37. veritas dicat : *qui amat Patrem , vel matrem plusquam me non est me dignus : & qui amat filium , aut filiam super me , non est me dignus*, certissimum est , quod ille non foret dignus Christo , qui creaturam summè æstimaret , & omnibus præferret , etiam ipsi Christo. Unde iterum Christus Matthæi 12. v. 31. *benè Magister cum veritate dixisti , quia unus est Deus . & NON EST ALIUS PRÆTER EUM , ut diligatur ex toto corde*.

SECUNDÒ, timor pœnæ ex amore sui causatur , quatenus Pœna est detrimentum propij boni : secundum autem doctrinam Augustini libro 14. de civit. cap. 7. affectio , quæ nascitur ex amore sequitur naturam & indolem amoris ex quo nascitur. Jam verò argumento proposito nullà ratione probari potest amorem sui excludere positivè voluntatem peccandi , nec enim valebit quisquam dicere amorem sui , quo quis seipsum summè estimat , & omnibus præfert , esse laudabilem virtutis fortum. Ergo &c.


TERTIÒ, omnis amor Dei super omnia excludit affectum , seu voluntatem peccandi. Rogo , an similiter omnis timor gehennæ excludat voluntatem peccandi ? scio non affirmaturos. Quis igitur timor gehennæ excludit voluntatem peccandi ? an ille quo pœna gehennæ timetur super omnia ? atqui ille perversus est , & contrà honestatem juxta doctrinam Theologorum , & inter ceteros R. P. Francisci Suarez. An certa intensio timoris requiritur ? quæ obsecro illa ? Aut unde constare poterit confessuro , quod ad illam intensiorem pertingerit ? sed & cur intensissimus actus timoris gehennæ voluntatem peccandi non excludit , intensior autem excludit ?

Apparet igitur summam disparitatem esse inter amorem Dei super omnia , & timorem gehennæ.

#### §. IV. *Examinatur argumentum , quod opponit*

*P. Le Dent.*

**S**ic argumentatur : *qui habet actum timoris de quo agimus , cognoscit penas gehenna gravissimas esse ac æternas , easque sive earum periculum incutiri per mortale quodcumque : novit etiam difficultatem , quæ est in observatione mandatorum Dei . nullam esse , si conferatur cum pœnis gehenna ; quare eligit illam difficultatem transitoriam potiùs assumere , quàm gehennam seu eius periculum incurrere , atque adeo evitacionem gehenna & periculi præfert carentia difficultatis transito-*



*ria, quæ est in observatione præceptorum. Quod si autem stante tali aſſu peccaret mortaliter, iam eviſationem difficultatis reperta in observatione mandatorum præſerret eviſationi gehenna, eiufſe periculi, atque adeo hoc interpretativè contemneret. Atqui certum eſt, non poſſe idem omnibus præferri, & ſimul non præferri, ſeu poſtponi ac conſemni: Ergo &c.*

Prolixum ſanè argumentum, circuitus & ambages multæ, ut veritas tam evidens probaretur. Ego tribus verbis poſtulo, quid omnibus præſeratur in caſu poſito? Deus, an creatura? ſi Deus, adeſt amor Dei. Si creatura, adeſt peccatum, ut antea demonſtratum eſt. Atqui poſtèdò, ut paritas ſit argumenti, oportet aliquid assignari, quod omnibus præſeratur abſque ullà exceptione, aliàs enim, ſi vel miniſſimam admittis exceptionem, non tantùm latentem rimam, ſed & patentem habebis januam, quã intret voluntas peccandi.

Verùm propius accedendo ad involutum argumenti propoſiti, aſſirmo manifeſtam petitionem principij in eo contineri. Quod ita oſtendo: ſupponit, quod intra ſphæram ſolius timoris gehennæ liſtendo poſſit quis aſſumere, vel eligere (cum effectu utique) difficultatem tranſitoriam, quæ eſt in obſervatione præceptorum (utique omnium) atqui hoc illud ipſum eſt de quo inter nos controverſia eſt, & etiam nuni nego. Quid enim ſibi vult prolixa illa paraphraſis ad fallendum incautos idonea: *aſſumere difficultatem tranſitoriam, quæ eſt in obſervatione præceptorum omnium?* idem ſanè, quod *obſervate omnia præcepta*, ſeu legem implere?

Declaro. Aſſumere (cum effectu) difficultatem obſervandi præceptum jejuniij, quid eſt aliud, quàm obſervare præceptum jejuniij? Item. Aſſumere cum effectu difficultatem tranſitoriam viſitandi Amicum, quid eſt aliud, quàm viſitare amicum?

Proinde prodiſt ſe fucus Argumenti propoſiti: pro conſeſſo enim aſſumit omnia præcepta divina poſſe obſervari & legem impleri ex adæquato & ultimato motivo timoris, abſque ulla Dei propter ſe dilectione, quòd abſolutè nego.

Atque, ut evidentius appareat vanitudo hujus argumenti, proponamus nobis peccatorem in extremo vitæ diſcrimine deſtitutum omni ſolatio & ſpe Abſolutionis Sacramentalis, ac proinde teneri ad Dei ptopter ſe amorem: ſtatuumus inſuper eundem affectum illo timore gehennæ de quo in argumento: amabo; poterit ille aſſumere (cum effectu) difficultatem tranſitoriam quæ eſt in obſervatione præceptorum omnium, atque ita primùm & maximum mandatum abique

Charitate

Charitate implere ex solo, adæquato, & ultimo timoris motivo? Quod si dicas urgere tum præceptum amandi Deum, fatebor, sed simul asseram in sacramento reconciliationis urgere præceptum amandi Deum: negabit Adversarius: ergo jam contestamur, & in illa contestatione partem negativam, scilicet non esse præceptum amoris Dei in sacramento reconciliationis, supponit Adversarius, nisi enim hoc supponat non magis concludit argumentum, quàm in casu necessitatis externæ, de quo antea. Proindè supponit aliquid de quo contestamur, & controvertimus. Ergo etiam ex eo capite habetur pro concesso, quod non est concessum.

## §. V. Examinatur palmare argumentum

*P. Le Dent.*

**P**urimum momenti! statuit in hoc argumento: is, qui habet Num. 143. actum Spei (qualem requirit) per fidem cognoscit quantum sit bonum beatitudinis aeternæ, & quàm exiguum ac prope nullum eius comparatione sit bonum quodcumque utile ac delectabile transitorium huius vitæ. Cognoscit autem ectrâ fide illi coelesti & aeterno bono consequendo obflare perceptionem cuiuscunque boni utilis vel delectabilis sub mortali prohibiti. Hâc consideratione motus STATUIT FIRMITER ET ABSOLUTE iam & in futurum ex parte suâ nullum opponere impedimentum per quod æternum bonum amitteret, vel amittendi periculo se exponeret: & sicut ante per intellectum, ita quoque nunc per actum voluntatis OMNIA BONA transitoria, quæ sine mortali obtineri nequeant POSTPONIT summo illi ac aeterno felicitatis bono, quod PRÆFERT illis omnibus. Et hoc sufficit in eo, qui iustificatus est. Quod si autem stante actu iam dicto talis de facto peccaret mortaliter in quacunque demum peccati specie, iam beatitudinis consecrationem postponeret bono utili aut delectabili transitorio, illamque interpretativè contemneret, quandoquidem actualiter cognoscat quovis mortali ius ad beatitudinem doperdi. Subsumo cum Authore Xenij. At qui clarum est non posse idem omnibus præferri, & simul eorum alicui non præferri &c.

Fictilis huius argumenti machina comminuitur negando categoricè, quod possit quis absque Dei propter se dilectione statuere firmiter & absolute ex parte suâ nullum opponere impedimentum per quod æternum bonum amitteret, vel amittendi periculo se exponeret. Quid enim affectata illa circumlocutio aliud significat, quàm habere propositum



positum servandi mandata divina, & non peccandi mortaliter ? Jam verò *propositum servandi mandata divina* DILECTIO DEI SUPER OMNIA videtur, aut certe non esse sine illa, prout ostendi Xenij pag. 25. ex Andrea Vega, ad cuius auctoritatem provocatum fuerat. Supponitur ergo in præmissis argumenti aliquid æquè incertum & controversum, quàm sit conclusio, quæ infertur.

Sed & alteri fundamento fluxo & inani incumbit tota moles hujus argumenti. Siquidem pro veritate concessâ assumit posse citrà Dei dilectionem *omnia bona transitoria &c. postponi summo ac aeterno felicitatis bono* (quod est Deus ipse) & *præferri illis omnibus*, utrique absque ullâ exceptione, ne pateat aditus voluntati peccandi, si vel unam creaturam excipias cuius nimio amore possit mortaliter peccari.

Verum illa hypothesis partim admittit, quod prætendo, partim continet doctrinam à veritate & communi sensu alienam.

Admittit quod prætendo, dum ad exclusionem peccati requirit, ut omnia bona temporalia postponantur Deo. Item, ut Deus omnibus illis bonis præferatur. Ego nihil aliud prætendo. Unde videor mihi jure merito posse dicere cum Augustino. *His ergo auditis, quid nisi Christo gratias agam, qui coegit hominem confiteri.* Ac propterea utinam populo è suggestu absque ullo glossmate proponeretur hæc doctrina: *ad exclusionem peccati requiri, ut omnia bona temporalia postponantur Deo, & Deus omnibus illis præferatur.* Ego illi doctrinæ facile acquiescerem, nescio, utrum nonnullorum amor proprius charitatis semper inimicus perinde acquiesceret.

l. 3. cont.  
petit. c. 52.

Quod autem prædicta hypothesis contineat doctrinam à veritate & communi sensu alienam, mihi manifestum est. Contendit enim omnia bona temporalia posse Deo postponi, & Deum illis omnibus præferri, omnibus, inquam, sine exceptione, etiam proprijs commodis operantis, imò ipsi operanti, absque ullo divinæ dilectionis calore. Quod à veritate inprimis alienum est: quid enim est per actum voluntatis (de illo enim agitur non de judicio quodam speculativo) Deum omnibus præferre, nisi Deum præ omnibus & super omnia, quæ postponuntur diligere? Actus ille voluntatis utique est quoddam velle: ergo, qui sic affectus est, vult Deum præ omnibus: vel Deum præ omnibus, quid est, obsecro nisi amare Deum præ omnibus?

Quod autem hoc sit à communi sensu alienum perinde facile ostenditur. Omnes enim sibi persuadent se adimplere illud mandatum mag-

magnum in Legè: *diliges Dominum Deum tuum ex toto corde &c.* quando per affectum voluntatis omnes creaturas Deo postponunt, & Deum omnibus præferunt. Nec aliter Theologi mandatum illud intelligunt, ut Bellarminus lib. 1. de amiss. grat. cap. 52. qui docet illo præcepto contineri, ut *nihil Dei amori anteponat vel adæquetur*, & lib. 2. de Monachis. cap. 13. *solum ut amemus Deum præcipuo amore, nihilque illi in amore anteponamus, vel æquemus.* Et Martinus Becanus de merito cap. 4. num. 30. *ut Deum præferamus rebus alijs, ut nullius rei amorem Dei amori anteponamus &c.* Atque hoc est, quod passim vocant Deum appretiative super omnia diligere. Quæ omnia continentur in eo quod Spei attribuit Adversarius, ut patebit consideranti.

Absit proinde ut istiusmodi Spem vocemus mortuam, & vitali divini amoris calore destitutam: quidquid enim dixeris non potest non vivere Spes illa, quæ voluntatis affectu Deum præfert & præponit omni creaturæ.

Verum audire lubet, quâ ratione doctrinam suam stabiliat Scriptor ille: *cum, inquit, sine illo Dei amore ex duobus bonis ferè equalibus homo possit unum alteri præferre, sive hoc velle præ illo, idque sivo compa-* num. 144.  
*ratio fiat inter duo bona licita, sive inter illicita: quâ specie veritatis dici posset, quod nequeat summum ac interminabile bonum malle, seu præferre paucis quibusdam & exiguis bonis transitorijs, in quorum electione peccaretur mortaliter?*

At at aberramus à scopo. Dictum fuerat per Spem omnia bona temporalia: postponi Deo & Deum omnibus præferri. Jam verò probatio loquitur de paucis quibusdam & exiguis bonis transitorijs. Aliquantum differunt omnia, & pauca bona transitoria.

Ceterum nullius momenti est, quæ urgetur consequentia: nec enim mirum est, quod bonum transitorium possim alteri transitorio præferre sine amore Dei, quia Deus non est objectum istius præferentia: at verò quando Deus præfertur omni creaturæ, etiam ipsi homini, etiam amori quo homo seipsum diligit, Deus est objectum talis præferentia.

## 6. VI. *Examinantur quedam responsa, quæ data fuerant argumentis Patris Le Dent.*

**D**ixeram imprimis Actum Spei & timoris posse excludere voluntatem peccandi, sed non immediate seu se solo, sed tantum accedente actu dilectionis Dei,

vult sibi concedi, quid aliud, obsecro, petit, quàm ipsum principium Disputationis, quod illi probandum erat, pro concessio haberi?

At, inquit, in toto discursu quo probavit Attritionem suam necessariò excludere peccatum nullibi supponit talem Attritionem cum sacramento sufficere.

Omnium Rde. Pater. Quando supponis amorem Dei propter se non esse medium ad salutem &c. Necessarium, consequenter etiam supponis Attritionem gehennalem cum sacramento sufficere. Si enim amor Dei non sit medium ad salutem necessarium, evidens est quod Attritio vestra sufficiat cum Sacramento, ne dicam etiam sine Sacramento.

Concludo igitur argumento proposito ad summum probari, quod aliquis timor gehennæ causaliter & mediatè inferat media ad salutem &c. necessaria, sed intactum & examinandum relinquit, utrum amor Dei non sit unum ex medijs ad salutem necessarijs? De formali porro exclusionem peccati nihil prorsus convincit.

Quod si fortassis dicat amorem Dei esse medium ad salutem &c. necessarium, sed suo tempore & extra Sacramentum, non autem in Sacramento.

Contrà. Ergo vult concedi quod inter nos controversitur: ego enim affirmo amorem esse medium ad salutem necessarium, etiam in Sacramento, ille contradictorium supponit. Ergo vult sibi concedi principium, quod illi nunquam largiar.

Quod si dicat se hoc alicubi probasse. Ergo jam aliò recurrit. Ergo argumento petito ab efficaci exclusionem peccati nihil concluditur, ac proinde omittatur.

Declaro. Nonne potuit Deus amorem suum præcipere peccatori, qui vellet sibi reconciliari per Sacramentum Pœnitentiæ. Illo casu posito, quæro an Attritio servilis positivè excluderet voluntatem peccandi in Sacramento Pœnitentiæ? Affirmare nemo potest nisi cui cerebrum foret in lingua. Dicendum igitur, quod Attritio servilis tali casu non excluderet voluntatem peccandi. Sed unde constat argumentanti, quod jam actu & de facto non versemur in casu proposito? unde constat (sistendo intrà sphæram exclusionis peccati) Deum non præcepisse suum amorem in Sacramento Pœnitentiæ? Ego enim constantissimè id affirmo, ipse non tantum negat, sed & pro fundamento suæ probationis supponere debet, nisi velit ridiculè argumentari. Ergo iterum petio principij. Atque hæc mihi videntur tam evidentiâ, quàm mihi manifestum sit me vivere, dum hæc scribo.



Quod si iterum dicat alibi se probasse non esse tale præceptum diligendi Deum in sacramento Pœnitentiæ. Optimè. Ergo argumentum ab efficaci exclusionè peccati tantisper dormiat, donec accuratè examinaverimus diversam illam probatìonem, quâ concluditur Deum in sacramento Pœnitentiæ non præcepisse sui amorem. Quem in finem, hunc, ni fallor, peremptorium syllogisum propono: argumento ab efficaci exclusionè peccati nihil concluditur nisi supponendo quod Deus non præceperit amorem sui in sacramento Pœnitentiæ: atqui hoc non potest supponi sine manifesta petitione principij, ego enim affirmo, ipse negat, Ergo argumento ab efficaci exclusionè peccati nihil concluditur. Satin clarè?

Quædam leviora objicit P. Le Deat, quæ paucis confutanda sunt.

Opponit itaque num. 158, Non video quomodò negari possit dari actum efficacem eâ efficacità de qua agimus, qui tamen non sit amor Dei; nisi quis fingat nullum dari actum efficacem, nisi qui sit actus amoris Dei, adeoque non posse inter duo graviter prohibita unum efficaciter alteri præferri.

Verùm interrogo, quid his & similibus argumentis responderetur si Deus amorem sui in sacramento Pœnitentiæ præcepisset? quod tum responderet, jam sibi responsum existimet argumentans.

Ceterum dico verissimum esse, quod nullus detur actus efficax eâ efficacità de quâ agimus, scilicet exclusionis peccati, nisi qui sit actus amoris Dei. Hoc enim est ipsissima nostra conclusio.

Quod additur secuturum *non posse inter duo graviter prohibita unum efficaciter alteri præferri*, missile telum est, cujus scopum ignoro. Agimus enim de præferentiâ, quâ aliquid omnibus omninò præferitur. Vultne igitur aliquid graviter prohibitum posse licitè omnibus præferri?

Audiamus quid ulteriùs adferat: profectò, inquit, si possim efficaciter detestari peccatum, quia hoc est malum Dei, cur non potero illud ipsum efficaciter detestari, quia mihi malum est?

S. Augustinus amorem Dei & amorem sui solet opponere, hoc argumentum vult componere, & in eodem parallelo constituere.

Respondet itaque longè diversam esse rationem de amore Dei & amore sui. Possum enim Deum super omnia amare, non autem me ipsum, & possum super omnia detestari peccatum quatenus est malum Dei, non item possum super omnia detestari peccatum, quatenus mihi malum est, aliàs enim possem meipsum omnibus præferre,

& in-

& incommodum meum, seu pœnam possem detestari plusquam culpam, quod vitiosum esse suprà monstratum est.

Ut autem efficaciter excludam omnia argumenta & tricas, quæ contorqueri possent, propono Patri Le Dent hanc quæstionem: *quid respondendum foret omnibus argumentis, quæ ingeniosè excogitas, casu quo Deus præcepisset amorem suum in sacramento Pœnitentiæ?* Similiter possem proponere, & rogare utrum spes mortua excluderet voluntatem peccandi, foretque voluntas formaliter efficax in sacramento Pœnitentiæ, si Deus præcepisset amorem suum in sacramento Pœnitentiæ?

Neque dixeris idem posse quæri de amore Dei perfectissimo, quia convenit inter nos Deum non præcepisse amorem suum perfectissimum in sacramento Pœnitentiæ: at non convenit inter nos Deum non præcepisse aliquem suum amorem in sacramento Pœnitentiæ.

## CAPUT TERTIUM.

An Tridentinum sess. 14. cap. 4. nomine *Attritionis* intellexerit proximam dispositionem ad justificationem?

**A** Ppositè scribit Pindarus bonum esse niti duabus anchoris, quia bonum est duplici præsidio niti, ut si alterum destituat, altero juvemur. Quod consilium secutus in Xenio dederam operam ut duabus niteretur anchoris, duplicique præsidio. Nimirum ostendi falsum esse, quod voluntas peccandi positivè excluderetur per Attritionem servilem, dato & liberaliter concesso, quod Tridentinum sess. 14. cap. 4. ageret de proxima dispositione ad justificationem.

Sed & insuper ostendi antiquiores scholasticos non sine fundamento docuisse Tridentino non fuisse sermonem de proxima ad justificationem dispositione. Attuli in eum finem varia argumenta & indicia ex ipso Tridentino petita, quæ multorum iudicio in unum collecta videbantur evidenter concludere. P. Le Dent vix aliud repōnit & opponit quàm meam inconstantiam.

Et ego quidem haud gravatè sinerem inconstantiam me in simulari, si hoc solum remoraretur Adversarium ab asserta per me veritatis confessione: Verùm non auiam hoc sperare. Scio enim inconstantiam  
nomi-

nomine nihil aliud, quàm pallium deficientis minùs idoneæ Respon-  
sionis obrudi. Et quamquam in Xenio objectionem illam pag. 40.  
& 45. preoccupaveram, tamen quia non patitur sibi satisfieri verbis  
meis, conabor efficere, ut patiatursibi satisfieri verbis proprijs.

Numero 130. scribit: *in argumento ad hominem (ut vocamus) assu-  
mi debet propositio in eo sensu quo enuntiata est, aliàs perperam sub ea  
subsumitur & concluditur*: cùm ergo argumento ad hominem petito  
& datâ hypothesi, quod in Tridentino ageretur de dispositione pro-  
xima asseruerim Tridentinum agere de positiva exclusione volunta-  
tis peccandi, perperam concludit ex propositione sumpta in alio sen-  
su, quàm enuntiata fuerat.

Deinde locum Tridentini sess. 6. cap. 6. *illumque tamquam iusticia  
fontem diligere incipiunt*, Adversarius tribus modis commentatur, tri-  
busque proinde niti vult anchoris. An proptereâ inconstantiz notam  
in seipso fatebitur? Agnoscit Tridentinum loqui de amore benevo-  
lentiz, si intelligatur de justificatione extra-sacramentali: idcircone  
evertit omnia, quibus antea probaverat Tridentinum loqui de amore  
concupiscentiæ? Quid si similiter dicam Adversarium, quod priùs  
operosè probaverat, uno verbo hic destruere, atque adeo parum ef-  
ficacia, vel ipso iudice, fuisse argumenta?

Num. 99.

Quare, ut in negotio tam momentoso veritati investigandæ sedu-  
lam & unaninem impendamus operam, obsecro utrinque missas  
fieri istiusmodi inutiles & ad rei cardinem nihil pertinentes quæstio-  
nes.

### §. I. Confirmatur ex principijs ipsius P. Le Dent Tri- dentinum non agere de proxima adiustifi- cationem dispositione.

**P**rimò. Fatente Patre Le Dent, Tridentina synodus illum Con-  
tritionis modum tuetur, quem rejiciebat Lutherus. Atqui Attritio,  
quam rejiciebat Lutherus, non disponebat proximè ad justifica-  
tionem, nam Lutherus expressè dicit, quod Catholici vocent illam  
*Attritionem proximè disponentem ad CONTRITIONEM*. Si ad Contritio-  
nem, ergo non immediate ad justificationem, sed mediante Contritio-  
ne. Item. Ergo Attritio non est vera Contritio &c.

Respondet verba illa: *Attritionem proximè disponente ad Contritio-  
nem*

*tionem* nihil aliud significare Antiquis Theologis, quàm *Attritum accedente sacramento iustificari*.

Verùm quis sibi persuadebit Viris doctis illam à propria notitione verborum alienissimam significationem in mentem venisse, quod proximè disponere ad Contritionem sit accedente sacramento iustificare? sensus sanè planus & obvius est, Attritionem proximè disponere ad motum Contritionis. Sicut quando Confessio Catholica Lovanienſis dicit articulo 4. *præparat tamen hic terror & gehenna metus ad veram animi Contritionem*, omnes persuasum habent significari quod metus gehennæ præpararet ad motum veræ Contritionis; nullus in animum inducet Lovanienſes nihil aliud voluisse significare quàm timentem gehennam accedente sacramento iustificari. Imò contrarium inde colligit, scilicet peccatorem per solum metum gehennæ non iustificari, sed insuper requiri motum veræ Contritionis.

Quod attinet ad Catholicos scriptores, de quibus scribit Lutherus quod vocent *Attritionem proximè disponentem ad Contritionem*, fateor me nondum legisse Theologum, qui hoc ante Lutheri tempora expressis terminis docuerit: verùm, qui aliquid affine tradiderunt, de dispositione ad motum Contritionis locuti sunt. Docent enim quod Attritio intendatur & sic fiat Contritio. *Item*, quod timor nihil proderet nisi ad amorem perduceret. *Item*, quod causa Contritionis sit timor. *Item*, quod Attritio introducat Contritionem & amorem, sicut seta apud Augustinum introducit linum. *Item*, quod Attritio ob intensiorem successu temporis fiat Contritio. *Item*, quod Attritio non possit esse Contritio nisi sicut aer potest esse aqua, quodque Deus non infundat gratiam ratione Attritionis, sed ratione Contritionis. *Item*, quod Attritio & Contritio non differant nisi secundum majus & minus. *Item*, quod in attrito per absolutionem vivificum semen, sanctum propositum exoritur. *Item*, interdum infundi Attrito propositum non peccandi virtute clavium. Hæc & similia passim occurrunt legenti antiquos scholasticos: Attritionem autem proximè disponere ad Contritionem, quia iustificat, nusquam legi: imò locutiones jam allegatæ contrarium sensum planè innuunt.

Quod autem Author ille velit Attritionem proximè disponere ad Contritionem eodem sensu, quo sacramentum ex Attrito facit Contritum: gratis asseritur. Deinde plerique Antiqui docebant hominem ex Attrito fieri Contritum in sacramento, quia docebant in sacramento infundi novum motum Contritionis, ad quem motum Attritio poterat dici proximè disponere. Ac per consequens Theologi illi

motum



non docebant Attritionem proximè disponere ad justificationem, sed mediante Contritione.

Atque inprimis in illa communissima tum temporis sententia, quod Attritio & Contritio non differrent nisi secundum intensiorem, clarum est, quomodo remissus motus Attritionis proximè disponderet ad augendum eundem motum in sacramento & perducendi eundem motum ad perfectionem Contritionis. Alij autem docebant Attritionem disponere ad Contritionem, sicut timor disponit ad amorem, quem secundum illos Deus infundebat in sacramento propter bonam fidem accedentis cum Attritione existimatâ Contritione. In qua etiam sententia Attritio proximè disponebat ad motum Contritionis ac proinde non immediate ad justificationem.

Quod autem addat Attritionem esse quamdam Contritionem virtualem, ac per consequens in sacramento tantum requiri quid vicarium Contritionis, non formalem Contritionem, falsum est, nam prima pars sacramenti Poenitentiae debet esse verus motus Contritionis juxta illud Tridentini sess. 14. cap. 4. *fuit autem quovis tempore ad impetrandam veniam peccatorum hic Contritionis motus necessarius.* Unde Canone 4. ad justificationem requirit tres actus Poenitentiae, Contritionem, Confessionem & satisfactionem.

SECUNDÒ sic opposueram. Fatente Adversario Tridentinum initio hujus sessionis spondet exactiorem, plenioram ac perspicuam de hoc sacramento definitionem: atqui non traderet exactiorem, plenioram, ac perspicuam de hoc sacramento definitionem, si deberet intelligi de dispositione proxima, quorsum enim omisisset particulam *proximè*, de qua sic controversitur.

Huic argumento respondet negando, quod Tridentinum exactiorem, plenioram, ac perspicuam de hoc sacramento definitionem tradidisset, si particulam *proximè* adjunxisset, & nescio quibus tergiversationibus nititur elabi. Sed frustra. Clarum enim est, quod hac horâ nulla foret inter me & Adversarium de hac re contentio, si Tridentinum particulam *proximè* adjunxisset. Proinde magis exactam, plenam, ac perspicuam definitionem tradidisset.

Quod addit Theologos unanimiter id vidisse in Tridentino, falsum est, maxime si ad tempora Tridentinae synodo viciniore convertemus oculos. Sanè, non memini me legisse ullum istorum temporum Scriptorem, qui hoc doceat. Imò Dominicus Soto insignis Theologus, philosophus & Orator, quique Concilio Tridentino interfuit in 4. dist. 19. q. 2. a. 6. docet *non esse articulum fidei, ut asserit*

per Sacramentum fiant Contriti. Non est enim expressa Evangelica assertio, aut ecclesiastica DEFINITIO. Imò neque apud Augustinum, aliumve istius classis authorem reperitur: sed est Scholasticorum collectio, quamquam sit vera, non tamen est digna, cui bilantes perpetua nostra salutis, aut damnationis confidamus. Ecce D. Soto dicit non esse Ecclesiasticam definitionem quod Attriti per Sacramentum fiant Contriti, sive quod idem est Adversario proximè disponere ad justificationem in sacramento.

TERTIÒ sic objeceram. juxta P. Le Dent dum synodus dicit Attritionem ad gratiam in sacramento disponere, loquitur eodem modo, quo sess. 6. cap. 6. ubi dicit: *disponuntur autem ad ipsam iustitiam dum credentes timore concutiuntur &c.* Atqui sess. 6. cap. 6 non habetur, quod timor, vel dolor ex eo tamquam motivo adequato, & ultimatò proveniens proximè disponat ad justificationem. Ergo.

Huic objectioni respondet: se non ad solum timorem, sed etiam ad spem, & dilectionem retulisse verba Tridentini.

Verùm hoc non elidit vim argumenti. Si enim sessione sextâ verum sit timorem ad justitiam disponere, quamvis tantùm remotè disponat: quidni etiam idem dici poterit de dispositione cujus sit mentio cap. 4. sess. 14. ? videri potest hoc argumentum eleganter deductum apud Hugonem Matthoud in suis doctis observationibus ad Robertum Pullum parte 5 ad cap. 31.

QUARTÒ sic objeceram. Quod adfertur in Tridentino de Ninivitis tantùm adfertur ad probandum *bonitatem actus*, ut loquitur num. 226. Ergo &c. P. Le Dent respondet disparem esse rationem, quia hanc Attritionem Synodus assignat tamquam speciem Contritionis in genere. Verùm ego è diverso sic argumentor: in Tridentino quando agitur de Pœnitentia Ninivitarum, tantùm agitur de *bonitate actus*, non autem, an sit species Contritionis. Ergo idem sentiendum de Attritione de qua immediatè sermo præcesserat.

## §. II. Quid sentiendum de prolatis ex Tridentino indicijs?

Quandò minus manifesta est Testatoris voluntas solent inrisperiti mentem testatoris indicijs & conjecturis investigare. Eodem consilio mentem Tridentini circa præsentem materiam conatus fueram indicijs & conjecturis investigare. Vix aliud opposuit Aduersarius,

rius, quàm meam inconstantiam, à qua, ut existimo, abundè me expurgavi. Addit tamen unum argumentum Logicum, confutatione non indignum, quandoquidem eo confutato quidquid aliud opponit in nihilum occidat.

Scripseram pag. 43. credibile esse Tridentinum proposuisse duplicem Contritionem, quam dividit in charitate perfectam, & eam, quæ non est charitate perfecta, & deinde assignasse aliud genus Contritionis imperfectæ de qua hoc unum asserat, quod sit motus bonus &c.

Audiat mentione *divisionis* illicò ad suam Logicam recurrit Adversarius & numero 114. multis probat non servatas iri leges divisionis Logicæ, si Tridentinum eo modo, quo suprà, interpretemur. Ac proinde me ad tribunal Dialecticæ tamquam Reum provocat, qui Patribus Tridentini divisionem adscribam à legibus Dialecticæ alienam.

Verùm, quia ex verbis meis tota hæc difficultas mota est, tamquam propriorum verborum fidelis interpres declaro mihi de divisione Logicæ ne per somnium quidem cogitationem incidisse. Sciebam enim mihi negotium esse cum Theologo: Theologum porro scrutari Scripturam, Concilia & sanctos Patres, apud quos formalitates illæ divisionum parvis momenti obtinent, neq; solere in illis scrupulosè tractari de modis & instrumentis sciendi, de oratione explicante naturam rei per partes &c. Eodem ergo sensu locutus fueram, quo Theologi illi, qui verbis Apostoli ad Galatas 5. *fides quæ per charitatem operatur*, docent contineri virtualem quamdam divisionem fidei in informem & charitate formatam. Sicut enim non omnis fides est charitate formata, sic ex mente Tridentini, non omnis Contritio est charitate perfecta. Ut autem manifestum fiat, quàm commodè Tridentinum possit sic explicari, utamur exemplo virtualis divisionis, quâ divideretur Confessio sacramentalis in publicam & privatam, & deinde in analogam speciem Confessionis factæ non sacerdoti, quo exemplo usus sum Xenij pag. 43. Demus proinde Tridentinum ità definivisse: *docet præterea sancta Synodus etsi Confessionem hanc aliquandò publicam esse contingat, hominemque Deo publicè reconciliare, ipsam nihilominus reconciliationem ipsi Confessionis sine sacramento & absolutione Sacerdotis non esse adscribendam. Illam verò Confessionem, quæ sit non Sacerdoti declaras esse donum Dei, & impulsus Spiritus sancti &c.* Nonne hæc omnia verè dicerentur, quamvis Confessio facta non Sacerdoti non foret vera pars sacramenti Pœnitentiæ? Quid igitur vetat, illum eundem sermonem ad Attritionem gehennalem transferri? an fortè argutæ logicæ utrumque sermonem ex æquo rejicient quia proposita divi-



non est modus vel instrumentum sciendi, neque est oratio explicans naturam rei per partes? spectatum admissi risum teneatis amici.

Imò non posse in Tridentino intelligi divisionem logicam juxta P. Le Dent, manifestum est, nam divisio logica nihil debet continere superflui, neq; in membris dividendis potest exprimi quod expressum antea fuerat de ipso diviso. v. g. si quis definivisset animal esse vivens sensitivum, & postea divideret animal in hominem & brutum, contra leges divisionis logicæ peccaret dicendo, quod brutum sit animal irrationale sensitivum. Similiter ergo quandoquidem Tridentinum de Contritione in genere affirmasset, quòd sit *cum fiducia divina misericordia*, contra leges divisionis logicæ peccasset subjungendo postea de membro dividente, scilicet Attritione, quod debeat esse *cum spe venie* quod idem est.

Hoc ergo fundamento sublato dignetur Lector indicia, quæ proposui examinare, fallorque nisi reperiat firma omnia consistere.

## CAPUT QUARTUM

Examinantur rursus argumenta P. Le Dent pro quaestione principali.

§. I. *Expenditur primum argumentum P. Le Dent.*

**P**rimum argumentum petijt ex eo, quòd Tridentinum non traderet exactiorem & pleniorum de sacramento Pœnitentiæ doctrinam, si cum sacramento non sufficeret Attritio ex solo metu gehennæ &c.

Respondeo à Tridentino tradi exactiorem doctrinam, quam tradita fuerat sessione 6. ad quam se refert Tridentinum, nec aliud mysterium ibi quaerendum esse.

At, inquit, controversia fuit cum Luthero, utrum Attritio ex solo motivo timoris absolutè sufficeret cum sacramento, quamvis non esset existimata Contritio: doctrina autem Tridentini erit confusa, si non tradiderit illam sufficere. *Sed contrà*, Quid si eodem fundamento dicam Tridentinum ne traderet confusam doctrinam docuisse talem Attritionem non sufficere, propterea quod motum veræ Contritionis dicat esse necessarium cum sacramento?



Deinde falsum est, quod Catholici tempore Lutheri docuerint istiusmodi Attritionem sufficere cum sacramento, ut statim ostendimus.

pag. 11.

Præterea si Tridentinum tam exactam tradat definitionem &c. quid causæ est, quod juxta Adversarium Tridentinum non definierit utrum mortalia dubia sint in Confessione exprimenda, quandoquidem ea de re fuerit inter Lutherum & Catholicos, Eckium, Roscensem &c. controversia, prout ostendi in disquisitione de peccatis dubijs? Quod si hæc Pro Attritione alleget praxim Ecclesiæ (quamquam falsò) nonne ante Tridentinum in praxi Ecclesiæ positum fuit confiteri mortalia dubia?

Addo denique me abundè probasse Tridentinum sess. 14. manifestè requirere amorem Dei cum sacramento Pœnitentiæ.

## §. II. Expenditur secundum argumentum P. Le Dent.

**S**ecundum argumentum petit ex tam constanti & unanimi plurimorum omnium generis & conditionis consensu.

Verùm Contritionis Augustinianæ, vindices constantem illum & unanimem consensum constanter & unanimiter negant.

Et quidem, si conferamus oculos in tempora Tridentino priora, iterùm dico cum Joanne Morino nullum Authorem ab Adversario proferri, qui expressis terminis doceat, quod *Attritio ex solo metu gehennæ concepta & cognita proximè sufficiat in sacramento Pœnitentiæ.*

At exclamat hoc aliud non esse, quàm in meridiana luce nolle videre. Cœcutivit igitur Joannes Morinus, Hugo Mathoud, Ludovicus Lopez Melchioris Cani discipulus, alijque viri doctissimi? Non erubescam cum illis cœcutire, & collyrium ab Adversario expectare. Sed videamus unde lux illa meridiana resplendat.

Jacobus Latomus docet non requiri *gratiam Dei dilectionem; actum gratuita dilectionis, amorem Dei gratitum &c.* in sacramento Pœnitentiæ. Quid hujus veritatis luce splendidius? sed expecta, & lege quæ duodecim post lineis subjiciat idem Latomus dans secundam rationem cur gratuita dilectio non sit necessaria, *quia inquit, eiusmodi dilectionis vel Contritionis actus ex GRATIA GRATUM FACIENTE procedit.* Audis, quid sit gratuita dilectio? nimirum quæ ex gratia gratum faciente procedit. Quid igitur verba prædicta ad nostram lu-

cem meridianam? siquidem nos talem dilectionem non requirimus, sed aliam quam disertè admittit Latomus ibidem immediatissimè ante verba, quæ citat P. Le Dent. Cùm enim dixisset *Attritionis* vocabulum propter novitatem non debere rejici, statim subjungit. *Numeratur & inter gratias gratis datas CHARITAS quadam & dilectio Dei, quæ erga Deum afficitur peccator in statu peccati mortalis existens, non quidem illa quæ finis præcepti est de corde puro, sed tamen nonnulla CHARITAS est. Multa enim agit & patitur peccator amore Dei &c.* statimque concludit Attritionem inde proveniente sufficere: quæ est ipsissima nostra sententia. Invenimus igitur lucem meridianam, sed amoris non timoris, sed charitatis, non servilitatis.

Quod ad Fisscherum attinet, tandè fatetur, quod abstrahat à veritate sententiæ, quæ assererat cum sacramento sufficere votum doloris, aut quod quis doleret se non dolere: quam sententiam non negabit P. Le Dent falsam esse. Quomodò ergo inde lux meridiana? Abstrahitne lux meridiana à splendore veritatis & tenebris falsitatis?

Objicit deinde Gabrielis testimonium docentis sententiam, quæ tradit Attritionem sufficere, *habere graves viros defensores*. sed *contra* primò ostendi debuit, quod non agant de Attritione existimata Contritione. *Secundò*, quod Attritionis nomine non intellexerint aliquam saltem tenuem Charitatis scintillam contineri, soloque timore contenti fuerint. Certè Gabriel in argumento contrario supponit Authores, quos impugnatur, docere quod Attritio penes intensionem differat à Contritione, ac proinde, quod non differant objectis. Et dist. 16. a. 3. dub. 1. refert opinionem Adversariorum suorum tamquam docerent Attritionem & Contritionem non differre nisi penes intensionem & remissionem. Quidquid sit non sunt expressi termini, prout postulo, non est lux meridiana, quam in Gabriele splendescere clamat Adversarius.

At numquid Durandus plus lucis adferet? minimè rerum. Docet quidem Attritionem superveniente sacramento virtute clavium effici sufficientem: sed quid inde? Qui docebant virtute clavium, superveniente sacramento infundi motum Contritionis, nonne hoc totum admittebant? Quid si hoc sensu dicat Durandus ibidem, quod *in absolutione Attritio procedens fit Contritio*? Non dubito quin aliquod glossæ verborum Durandi ingeniosè opponetur, verùm ego expressos terminos postulaveram, qui nec producti sunt, nec producentur. Aliunde ergo accersenda est lux meridiana.

At unde? dicam ab illo constanti & unanimi consensu omnium

sententiariorum ad dist. 20. lib. 4. sententiarum ubi uno velut sensu & calamo consentiunt Pœnitentiam ad finem vitæ periculosè protrahi, quia tunc non ex charitate, sed ex solo timore videntur Pœnitere. Neminem interpretum reperies, qui non toto corde suscipiat aurea illa verba, quæ ex libro de vera & falsa Pœnitentia adfert Magister sententiarum: *Arbitrij libertatem querit Deus, ut deleri possint commissa: non necessitatem, sed CHARITATEM: non tantum timorem, quia non in solo timore vivit homo: Quem ergo seridè pœnitet, oportet non solum timere iudicem, sed diligere, quia sine CHARITATE NEMO SALVUS ESSE POTEST.* Quam doctrinam Gratianus cum suis interpretibus approbavit in canonem nullus dist. 7. de Pœnitentia.

Quod si deflectamus oculos in tempora Tridentino posteriora, absit, ut fateamur Theologos constanti & unanimi consensu docuisse sententiam, quam impugnamus siquidem in diversissimas abjērunt sententias. Plurimi, etiam qui Tridentino propriâ manu subscripserant, requisiverunt cum sacramento Contritionem perfectam, quam sententiam, si Carameli credimus, nemo demonstrabit esse improbabilem. Alij Attritionis nequidem meminerunt. Alij docuerunt Attritionem servilem cum sacramento sufficere, dummodò tamen existimaretur Contritio. Qui iterum erant divisi, nonnulli enim voluerunt necessitatem Pœnitentiæ suppleri per gratiam sanctificantem: alij maluerunt asserere in susceptione sacramenti infundi motum veræ Pœnitentiæ & Contritionis.

Aliorum sententia fuit Attritionem sufficere cum sacramento, etiam si non existimaretur Contritio, quam Attritionem nonnulli asseruerunt esse naturalem, alij, & communius, supernaturalem.

Attritionem autem cognitam sufficere cum sacramento quidam timidè docuerunt, vix ausi doctrinam illam publico proponere: alij deinde audaciores effecti tamquam probabilius sustinuerunt ità, ut oppositæ sententiæ suam probabilitatem non denegarent, inter quos est Toletus, Sayrus, Lorinus, Salonus &c. Caramel cum docuisset differentiam Contritionis & Attritionis non ità clarè explicari à Theologis, ut scrupulosus animus quiescat, dicit, quod ille habeat Contritionem, qui dolet se patrasse peccatum, ille Attritionem, aut Contritionem imperfectam, qui dolet se dolere non posse.

Denique, ut alias sententias præteream, plurimi Theologi, neque numero, neque autoritate exigui, docent Contritionem & Attritionem non differre nisi penes intensum & remissum, quorum sententia indubiè probabilissima est.



Alias sententias prætereo, & peto sitne ille constans & unanims Theologorum de Attritione consensus? Dices fortasse sententias alias esse falsitati obnoxias: at illud ipsum de tua sententia reponent omnes alij. Ergo inter vos non est unanims consensus. Ergo, nisi velis principium petere, aliunde, quàm ab unanimi Theologorum consensu, conclusionem tuam debes probare.

Unum hîc adverto verissimam esse hanc maximam Patris Vasquez: *negare non possumus turbam Doctorum aliquandò amplecti unam opinionem absque delectu rationum, aut saltem non tam exactè rationibus ponderatis.* Ut propterea non sit mirum opiniones scholasticas habere suos fluxus & refluxus; ceterùm veritas Domini manet in æternum.

<sup>1. 2.</sup>  
disp. 62.  
c. 2.

### §. III. Expenditur tertium argumentum

*P. Le Dent.*

**T**ertium argumentum petit ex eo, quod Tridentina Synodus illum Contritionis modum tueatur, ac adstruat, quem rejiciebat Lutherus: hic autem loquebatur de Attritione, quæ non erat ex charitate, sed ex solo timore pœnæ. Ergo

In luto Lutherano satis superque demorata est nostra oratio, quare verbo absolvo, & dico Tridentinum non tueri simpliciter, nec adstruere modum Contritionis, quem rejiciebat Lutherus, sed cum addito, nimirum *cum proposito melioris vitæ*, cujus non meminerat Lutherus, prout patebit conferenti canonem §. cum verbis Lutheri, apud P. Le Dent. num. 1100. Cæterùm propositum vitæ melioris negamus posse haberi sine aliquo Dei propter se amore. Alia, quæ responderi possunt brevitatis ergò prætermittimus.

### §. IV. Discutitur locus Augustini de catechizandis rudibus.

**V**tinā ante Augustini tribunal decidenda foret hæc controversia: illo iudice nihil metuerem, quem scio non tantùm fuisse charitatis ardentissimum cultorem, sed & profundissimum Doctorem. Audiamus tamen quid in ipso Charitatis Doctore, Charitatis obligationi contrarium reperiatur Adversarius. Opponit Augustinum de Catech. rud. c. 17. docere illum esse verè Christianum, qui vult fieri

Chri-



Christianus, ut non eat in ignem æternum. &c.

Respondeo Patrem Le Dent non versari in casu Augustini, putat enim Augustinum agere de illo, qui de facto Baptizatur, cum tamen Augustinus agat de aliquo catechizando, qui mediante instructione accedit ad Baptismum, prout patet ex toto decursu libri, præcipue ex initio. Sensus ergo Augustini est, quod catechizandus habeat animum verè Christianum, qui ex timore gehennæ accedit ad instructionem baptismi præmitti solitam, quia (uti observaveram in Xenio ex Tridentino sess. 6. can. 28) potest aliquis esse Christianus, quamvis destitutus sit charitate & remissione peccatorum. De tali porro Catechumeno rectissimè dicit Augustinus, quod *proficiendo venies ad talem animum, ut plus amet Dominum, quàm timeas gehennam*, quia accedente instructione docebitur Deum esse diligendum ex toto corde &c. Atque hoc est, quod Augustinus ibidem cap. 5. scribit: *de ipsa etiam severitate Dei quæ corda mortalium saluberrimo terrore quatuntur CHARITAS ædificanda est: ut ab eo quem times, amari se gaudens, cum redamare audeat, eiusque in se dilectioni etiamsi impune posses, tamen displicere vereatur. Rarissimè quippe accidit, imò serè nunquam, ut quisquam venias volens fieri Christianus, qui non sit aliquo Dei timore perculsus.* Dicit Augustinus in ipsis Catechumenis ædificandam esse charitatem, quia licet, qui timeret habeat animum verè christianum, tamen nisi ædificetur in charitate ad christianum Baptismum sine causa nititur accedere.

## CAPUT QUINTUM.

Examinantur Responsa, quæ propositis ex Tridentino argumentis adfert P. Le Dent.

**N**ihil propius fuit, quàm ut omnia effugia præcluderem hanc unicâ provocatione: *Probet propositum efficax servandi mandata divina posse haberi ex adæquato & ultimo motivo timoris gehennæ.* Hoc enim in omnibus præmè suis responsis pro concessio assumit, nusquam probat. Malui tamen pleraque cursim delibare, ut tantò manifestior fiat veritatis & charitatis conjunctio.

§. I. *Quid respondeat argumento, petito ex eo quod ante Baptismum oporteat Deum diligere tamquam fontem omnis Justitiæ?*

**P** RIMò, (contra *communem sententiam*, ut fatetur Tannerus) Tridentinum explicat de amore concupiscentiæ, sive de amore sui ipsius. Miratur, quod provocaverim ad P. Suarez. Atqui ego non ad P. Suarez, sed ad argumenta P. Suarez provocaveram, quibus necdùm responsum est. D. Thomam, & Catechismum Romanum explicat de charitate per se justificante, verùm cùm Catechismus Romanus & idem est de Concilio Moguntino loquantur conformiter Tridentino intelligi debent de dispositione etiam cum Sacramento, sicut & Tridentinum, ac proindè non possunt intelligi de charitate per se justificante.

Quæ omnia tantò certiora sunt, quod scopus Tridentini fuerit agere de amore benevolentiae contra hæreticos negantes talem amorem priorem esse reconciliatione, quodque hæretici Tridentinum sic intellexerint, Catholicis Scriptoribus Judoco Ravensteyn, Stapletono &c. ultroneè illud ipsum admittentibus. Vide Quæst. Quodl. pag. 6. & 7.

SECUNDò, dicit particulam *propterea* referri ad varia motiva timoris, Spei, amoris, ex quorum singulis concipi potest detestatio peccatorum efficax. Sed *contra*, cùm sit idem tenor verborum, debet etiam referri ad fidem, quod ex verbis meis meritò improbat. Relege Xenium pag. 11. Suarez tradit disiunctionem, sed planè diversam.

TERTIò, Tridentinum explicat de justificatione extra-sacramentali. Sed *contra*, agitur de Pœnitentia quam ante Baptismum agi oportet, non oportet autem ante Baptismum agi Pœnitentiam, quæ sit dispositio ad justificationem extrasacramentalem. Relege Xenium pag. 11. & 12.

Abstrusa porò responsa, quæ Adversarius opponit veritati per se micanti, capiat qui capere potest. Clarum mihi est non esse nisi elaborata effugia.

§. II. *Quid P. Le Dent respondeat argumento 2. & 3. petito ex eo quod fidei, & Spei charitas debeat accedere?*

**S** Ibi constat, & cap. 7. Tridentinum de solis habitibus locutum fuisse

fuisse pergit affirmare. Ego verò ab illis, ut minimùm, verbis, *secundum propriam cuiusque dispositionem & cooperationem*, sermonem esse de actibus indubitatè assero.

Lubet exordiri à veritate, quæ in controversiam vocari nequeat. Verba illa: *secundum propriam cuiusque dispositionem & cooperationem*, de habitibus intelliguntur, an de actibus? Utique responsurus es de actibus intelligenda. Ergo negari non potest cap. 7. saltem aliquam mentionem fieri de actibus. Quid porro immediatissimè sequitur post verba illa: *Secundum propriam cuiusque dispositionem &c.* nimirum: *Quamquam ENIM nemo possit esse iustus. &c.* Quò igitur refertur particula *enim*? utique ad verba immediatissimè præcedentia, ac proindè ad actus disponentes & cooperantes, non autem ad aliqua dona habitualia.

Hic est igitur sensus Tridentini, quo jugulatur hæresis Lutherica: unica est causa formalis justificationis nostræ, quam recipit unusquisque secundum mensuram actuum suorum & secundum propriam cuiusque dispositionem & cooperationem. Quod autem nostra dispositio & cooperatio requiratur & non sufficiat sola fides, ut volunt Lutherani, probatur, quia actus charitatis diffunditur in cordibus eorum, qui iustificantur, atque ipsis inhæret: quia fides nisi ad eam accedat actus Spei & Charitatis non unit perfectè cum Christo, neque corporis ejus vivum membrum efficit: hinc fides sine operibus spei & charitatis mortua est: hinc requiritur fides per actum charitatis operans: hinc requiritur observatio mandatorum &c.

Totus hic discursus æqualiter, planissimèque fluit, efficacibus Scripturæ locis stabilit veritatem Catholicam, & præfocat hæresim Lutheranam de solo actu fidei ad justificationem sufficiente.

Opponit hæc verba: *quamquam enim &c.* connecti cum præcedentibus; nulla autem erit connexio, si intelligantur de actibus, cum in prioribus actum sit de habitu &c.

Verùm oppositum jam ostendi: nam particula, *enim*, immediatè connectitur verbis illis: *secundum propriam cuiusque dispositionem & cooperationem*. Audis *dispositionem*? Audis *cooperationem*? quid igitur dubitas sermonem esse de actibus disponentibus, & cooperationibus, prout argumentatus fuero Xenij pag. 17. *Contra qua Adversarius nihil tutius invenire potuit, quàm silentium.* Hinc ergo laudandus est, quod cum hoc omnino invidiosissimum cerneret, silentio prætermisit, prout in sinu Augustinus reponit Petiliano.

Cetera, quæ opponit, nullius momenti sunt, & ex dictis nullo ne!

gotio dissipantur. Tridentinum enim initio capitis egerat de justificatione formali, hic de dispositione & cooperatione ad justificationem: actus autem vitales non inhaerere animæ, falsum est.

Consideret autem Lector quanta cum violentia conetur Tridentinum & verba Scripturæ ab eo allegata ad habitus trahere. Quis enim illa verba: *Fides sine operibus mortua est*, de habitibus unquam intellexit?

Denique Tridentinum hæreticos hic perstringit. Quis autem hæreticorum disputavit an fidei habituali deberet, vel non deberet accedere habitus Spei, vel Charitatis? Teste Bellarmino Catholici contra Lutheranos probant *non solam fidem per modum* DISPOSITIONIS justificare: hoc autem efficacius fieri non potest, quam locis illis Scripturæ quæ adfert Tridentinum. Cumque nomine dispositionum actus, non habitus soleat intelligi. Ergo &c.

### §. III. Quid respondeat Argumento quarto, quod ex necessitate Pœnitentiæ propositum fuerat?

**V**erbo dicam, *nihil*. Produxeram enim (salute ex inimicis nostris quæsitâ) hanc conclusionem à Melchiorre Cano ex Scriptura, Patribus, Angelico Doctore &c. probatam: *Primus actus Pœnitentiæ nunquam est sine actu Charitatis*: Dixeram Melchiorrem Canum vi veritatis adactum, ausum fuisse asserere hoc esse *definitum* in Tridentino: quid ad hæc Adversarius? *Nihil*. Negat in Sacramento Pœnitentiæ fieri reconciliationem affectuum. Sed hoc ipsum *nihil* est. Quâ fronte enim possumus velle Deum nobis quoad affectum reconciliari, si nos ipsos nolumus Deo quoad affectum reconciliari? Quis aliàs non expectet meritò illud Poetæ sibi impropèrari:

*Marce, ut amaris, ama?*

Docet reconciliationem fieri in Sacramento Pœnitentiæ sicut in parvulis. *Nihil*. Affirmat *tristitiam secundum Deum* non esse Apostolo tristitiam ex amore Dei. Opposui Chrysostomum, Cassianum, Angelicum Doctorem, & Cornelium à Lapide. Quid respondet? *Nihil*.

### §. IV. Quid respondeat argumento petito ex eo, quod Pœnitentia debeat avertari peccatum, ut est offensa Dei &c.?

**P**rimùm negat necessarium esse, ut Pœnitens aversetur peccatum, ut est offensa Dei. Verùm hoc in Quæstione Quodl. evidenter



probavi ex Alphonso Vega, Tappero, Reginaldo, Tannero, Stapletono, Valentia, Ludovico Carbone, D. Thoma, Enchiridio Colonienfi, confessione Catholica Lovaniensium, Augustino, D. Antonino, Alberto Pighio, Latorio, & Francisco Toletto, qui omnium expressissimè pro praxi Confessariorum statuit hanc generalem regulam: *non esse admittendos ad Confessionem, nisi qui peccata detestantur, ut OFFENSA Dei sunt.* Offensam opponens peccato prout est *alicuius mali causa & POENÆ INFERNI.* Vide quæst. quodl. pag. 22. ubi lineâ 16. irrepsit vox *tamquam*, pro *tanta*, prout habebatur lineâ 13.

Aliam responsionem adfert distinguendo offensam Dei in varias significationes, sed ostendere deberet, quod Authores isti, quos attulit loquantur in illa significatione, quam pro arbitrio fingit.

#### §. V. *Examinatur responsum datum argumento petito ex necessitate conversionis ad Deum.*

Quam multa hic aures surdâ, & sicco calamo præterit! ut probarem conversionem cordis ad Deum non posse obtineri solo metu gehennæ bis produxi veritatis luce micantissima melliflui Doctoris verba: *nec timor, nec amor privatus CONVERTIT animas, Caritas vero &c.* Item bis protuli receptam ab antiquis scholasticis, imò & Jurisconsultis, Authoris de vera & falsa Pœnitentia doctrinam, quod ille *convertatur, qui iam totus & omnino versatur, qui iam non tantum pœnam non timet, sed ad bonum Deum contendere festinas.* Bis etiam ostendi petitis ex Rusbrochio & Roderico argumentis, quod in amore concupiscentiæ homo potius seipsum habeat pro scopo, ac proinde quod potius convertatur ad seipsum, quàm ad Deum. Quid his omnibus repositum est? altissimum silentium.

Et sanè amor concupiscentiæ juxta Adversariòs (ex eorum sententia loquor) est amor sui ipsius: quis autem dubitet cor ad illud converti, quod amat? Quod autem D. Thomas dicat aliquem converti ad Deum propter timorem servilem nihil obstat, quia, ut notat Sylvius verba illa intelligenda sunt juxta initium corporis, ubi agitur de conversione, qua *aliquo modo ad Deum convertitur.* Siquidem qui per timorem servilem incipit esse in via conversionis ad Deum quamvis nondum omnino pervenerit ad illam conversionem, nihilominus *aliquo modo potest dici per illum timorem converti ad Deum.* Et hoc

sensu intelligendum esse D. Thomam probant testimonia quibus docet, quod per timorem homo non moveatur in Deum, & eo sensu non convertatur in Deum &c.

§. VI. *Quid responsum sit argumento petito ex necessitate Contritionis?*

**N**olo examinare glossema, quod adfert authoritati Angelici doctoris dicentis ad charitatem pertinere detestari peccata &c. Nolo, inquam, dicere, dum dicitur aliquid pertinere ad aliquam virtutem, sensum esse, quod hoc illi virtuti proprium & speciale sit: nolo insuper dicere neglecta esse manifestissima Augustini testimonia: sed neque lubet discutere, quæ opposueram de discrimine vereris & novi Testamenti, ubi per amorem, dum timori opponitur, aliud à timore diversum intelligi non est, quod dubitemus:

Verùm illud assero R. Patrem Le Dent admittere & non admittere necessitatem Contritionis in sacramento Pœnitentiæ. Admittere, saltem scripto tenus, manifestum est. Non admittere, sic ostendo P. Le Dent num. 125. ex Puteano nostro docet in sacramento sufficere virtualem Contritionem: quâ Attritio gehennalis *operatur illud idem in nobis, quod præstaret Contritio*. Hoc autem quid est aliud, quàm negare veræ & realis Contritionis necessitatem in sacramento Pœnitentiæ? nam vera & realis Contritio debet esse verus motus Contritionis juxta Tridentinum: virtualis autem Contritio non est verus motus Contritionis, sed aliquid vicarium. Quod si omne illud, quod *operatur illud idem in nobis, quod præstaret Contritio* debeat dici Contritio virtualis, quid causæ erit cur extrema unctio, Eucharistia, aliaque sacramenta dici non poterunt Contritio virtualis, dum propter bonam fidem operantur illud idem in nobis, quod præstaret Contritio? Quid si similiter dicam in Baptismo sufficere virtualem abluionem, in confirmatione virtualem unctionem, in Eucharistia virtualem consecrationem. &c.

§. VII. *Quid responsum sit argumento octavo & nono?*

**A**rgumentum octavum firmatum est toto capite 2. ubi ostendimus Responso & argumenta P. Le Dent circa exclusionem peccati continere manifestam petitionem principii. Quare plura non adjiciam.

*Quod attinet ad Pœnitentiam Ninivitarum, quidquid demùm fuerit*

fuerit illa misericordia ,cujus meminit Tridentinum , dico me antehac neque legisse, neque audivisse Ninivitas fuisse justificatos solo timore , absque aliquo Dei propter se amore.

### §. 8. Quid ad argumenta conglobata ?

**I**N responsione ad 1. argumentum pro concessio habet ex solo timore posse haberi detestationem peccati commissi , & propositum omnia vitandi. Quod negamus ex dictis , & ex hoc ipso Apostoli loco.

Argumento 2. respondet Apostolum charitatis nomine per quam fides operatur intelligere habitualem. Verum negari non potest , quin Augustinus charitatem actualem intellexerit , solet enim legere *dilectionem* , quam lib. de gra. & lib. arb. c. 17. vocat *divina amore ardentissimam voluntatem*.

Argumento 3. respondens non distinguit inter justitiam actualem , & habitualem. Dicit esse probabile habitum fidei & spei pertinere ad formalem justificationem. Verum non negabit contrarium esse probabilius. Ergo probabilius est ibidem agi de actibus. Ergo.

Argumento 4. respondet Christum diligere quando servantur ejus mandata. Verum si Christum diligere nihil aliud sit , quam servari alia mandata à dilectione diversa , quo loco , aut quibus verbis præcipitur interna charitatis dilectio ?

Argumento 5. Bellarminum conatur interpretari , sed frustra. Verba Bellarmini clara sunt & optimè consistunt cum aliis quæ allegantur. Potest enim dolor ex solo metu esse bonus , quamvis debeat referri ad gloriam Dei.

Argumento 6. respondet timorem servilem disponere ad actum charitatis , & hoc sensu esse principium extra disponens ad sapientiam. Verum de sapientia fuerat sermo , non de charitate.

Quod ad postremum argumentum attinet , iterum dico fletus illos , de quibus expressè Tridentinum , synceræ dilectionis & amoris Dei exploramentum fuisse , non solius timoris.

## CAPUT SEXTUM.

Quid Epistolæ dedicatoriæ Xenii respondeat P. Le Dent ?

**O** Stenderam in Epistola dedicatoriæ Xenii , quàm inaniter P. Le Dent. responderat quibudam S. Scripturæ testimoniis , quæ



quæ Author epistolæ familiaris opposuerat. Non acquievit tamen; sed bellum defensivum pugnaciter resumpsit. Videamus quàm feliciter.

Primum propositus fuerat hic locus 1. Joan. 3. *translati sumus de morte ad vitam, quoniam diligimus fratres. Qui non diligit manet in morte.* P. Le Dent respondit locum illum intelligi de charitate fraterna, sed mirabilem charitatis fraternæ addidit interpretationem. *Per dilectionem*, inquit, *seu charitatem proximi non intelligit Apostolus actum POSITIVUM amoris amicitia erga proximum, sed tantum NEGATIONEM ODII & cuiusvis iniuria in proximum, ac insuper exhibitionem officiorum &c.* Hanc interpretationem ex D. Hieronymo & Estio evidenter rejeci. Item ostendi, quòd omnia præcepta positiva evanescent in negationes. Si enim fraterna charitas tantum sit negatio odii cum officio externo: quidni & fides tantum sit negatio infidelitatis cum officio externo?

Quia verò dixeram ex Augustino de fide & operibus charitatem fraternam dilectioni Dei conjunctam esse, P. Le Dent. ut hoc telum declinaret, excogitavit interpretationem, non specie tenus, sed reverà paradoxissimam. Vult enim persuadere Augustinum nomine *dilectionis Dei* intelligere *fidem*, utique mortuam & à Dei dilectione separatam. Sed non persuadebit. Quis enim credat Augustinum primo illo præcepto: *diliges Dominum Deum tuum ex toto corde &c.* march 22. Fidem mortuam intellexisse? Neque verò hæc erat sententia eorum, quos impugnât Augustinus, sed docebant *fidem tantum*, quæ in Deum est baptizandis *intimandam*: ubi per fidem, quæ in Deum est, intelligebant fidem dilectioni Dei conjunctam, & ab omni dilectione proximi separatam prout patebit legenti textum. Quam separationem dilectionis Augustinus rejicit.

SECUNDÒ objecta fuerant verba Apostoli 1. Cor. 13. ubi dicit se sine charitate nihil esse.

P. Le Dent quamvis præmittat locum illum posse intelligi de charitate habituali, alij TAVEN, inquit *quibus potius adharco, hanc Apostoli sententiam exponunt de charitate fraterna.* Postremam hanc interpretationem assertam eo sensu, quem volebat Author, impugnavi. Ubi per charitatem fraternam non videbatur intelligere actum positivum amoris amicitia erga proximum, sed meram negotiationem iræ, vel odii in proximum, adjunctis etiam; si lubet, externis dilectionis offi-



## APOLOGIA

officijs. Cujus meæ confutationis cum non meminerit, spero, quod à priori interpretatione recedat.

TERTIO allegatus fuerat locus ex 1. Petri 3. de conscientia bonæ interrogatione in Baptismo. Respondet propositum servandi mandata divina, etiam illud: *diliges Dominum Deum tuum* &c. posse haberi sine aliqua Dei dilectione, sed hoc repugnat Tridentino sess. 6. c. 7. ubi ad probandum, quod fidei, & Spei debeat accedere charitas, adfertur illud propositum servandi mandata divina.

resp. ad  
Ep. fam,  
n. 39.

QUARTO propositus fuerat locus Joan. 14. *qui non diligit me sermones meos non servat*. Respondet per dilectionem intelligi *pium affectum & voluntatem Dei præcepta servandi ex quocumque bono motivo, quæ etiam*, inquit, *quædam Dei dilectio est*. Hæc interpretatio si admittatur, utique perit omnis via probandi ex scripturis dilectionem Dei propter se esse præceptam. Sed fortè aliàs dabitur locus hoc responsum eradicitus, evellendi.

QUINTO productum fuerat illud ad Rom. 14. *Omne, quod non est ex fide, peccatum est*, quod de fide per dilectionem operante intelligit Augustinus, & Pontificale Romanum.

Queritur sibi obrudi sensum à contextu & communi Interpretum consensu alienum. Additque in *Eccllesiasticis officijs, ac Ritualibus non raro verba Scripturæ accipi in sensu aliquo accommodatio*. Fateor R. Pater, sed numquid etiam in sensu falso, & spiritu mendacij? Quocumque sensu loquatur Pontificale Romanum, negare non potes sensum illum esse verum, ac proinde argumentum propositum vim suam retinere.

c. ult. de  
fide & op.  
l. 2. cont.  
petile, 77.

Pluribus huic rei explicandæ non immorabor, sed neque Lectorem ulterius hæc Apologiâ detinebo. Confido quæ dicta sunt proposito meo sufficere: *si quid autem fortè disputando non attingi, tale arbitratum sum, cui mea responsio necessaria non fuisset: sive quod ad rem, de qua agitur, non pertinet, sive, quod tam leve esset, ut à quolibet redargui facillimè posset, ut cum Patre meo Augustino loquar*. Cujus verbis coronidem huic Apologiæ impono: *teneamus Charitatem, sine qua, & cum SACRAMENTIS, & cum fide nihil sumus: AMEN, AMEN.*

## ERRATA SIC CORRIGE.

pag. 4. lineâ 7. si do admittit, l. si admittit, do manus &c.  
pag. 25. lineâ 18. illo Dei amore l. sine ullo Dei amore.  
pag. 73 l. liniâ 3. notatione lege notione.

